



Dia Internacional di Hende Muhe e aña aki dedica na un mundo digital inclusivo

Pagina 5

Diabierna 3 di Maart 2023 www.bondia.com Email: noticia@bondia.com Tel: 582-7800 Fax: 582-7044 1,75 Florin

Censo Economico 2023 pa haya bista di con economia di Aruba ta structura



Pagina 2

- **Pa minister Glenbert Croes “seguridad energetico ta un prioridad urgente”**

Pagina 6

- **Mundo a cansa di reconstruccion na Haiti**

Pagina 11

- **Minister Ursell Arends presente den Our Ocean Conference na Panama**

Pagina 4

Actividadnan pa Dia di Himno y Bandera a keda anuncia



Pagina 3



Corte: “Pa Gabinete Schotte, experticio tabata secundario”

Pagina 8



Discusion entre Petro y Bukele pa criticanan na mega-prison di El Salvador

Pagina 10



Be part of the
**National Health Survey:
STEPS 2023**

from home to home starting march until june

Step up for your health!

CBS a anuncia Censo Economico 2023

Meta pa haya bista di con economia di Aruba ta structura

Ayera mainta den conferencia di prensa Jonathan Upegui, director di e departamento di National Accounts di Central Bureau of Statistics Aruba (CBS), a anuncia e Censo Economico 2023 cu lo tuma luga for di 14 di april te cu 30 di juni di e aña aki.

Upegui a splica Censo Economico ta e numeracion completo di tur e entidadnan economico na Aruba y ta pasa riba tur entidad. Esey kiermen si un compania tin diferente branch, tur sucursal, CBS lo pasa den e proceso di encuesta di e Censo Economico na tur e sucursalan di e mesun compania.

E censo lo ta riba tur compania cu ta haci un actividad economico na Aruba pero e aña aki e censo ta enfoca specialmente riba e sector di agricultura y pa esaki Santa Rosa Aruba a uni na CBS pa asina brinda nan experticio den e sector aki.

E metanan di e censo, Upegui a sigui splica, ta pa entre otro tin un bista riba tur e entidadnan fisico activo riba Aruba y asina por tin un bista tambe di con e economia di Aruba ta structura. E ta yuda CBS tambe pa actualisa nan registro di negoshi y pa e Departamento di National Accounts mes ta saca e GDP y pa esey mester keda actualisa cu e manualnan di Nacionnan Uni.

El a agrega cu na 2025 nan ta bay saca e manual nobo y e censo economico ta hopi importante den e caso aki pa asina por tin tur e datonan necesario.

E censo ta yuda cu loke ta e suministro y uso. Esey ta pa wak con e economia ta y pa wak cual sectornan ta cumpra cierto producto, cual sector ta bende cierto producto y



cierto servicio. E censo economico ta duna CBS e posibilidad tambe pa duna data y estadisticanan na entidadnan internacional, como por ehempel World Bank y IMF, entre otro.

Upegui a remarca cu e censo economico ta wordo ehecuta digitalmente y tin diferente encuestador cu lo bishita e entidadnan economico. CBS ta pidi pa e representantenan di e companianan, esunnan cu sa di e finanzas di e compania, pa contesta e encuesta di e censo economica.

CBS a enfatisa cu e datonan di e companianan lo wordo usa solamente pa motibo estadistico. E datonan aki no lo ser publica individualmente, solamente riba forma agrega y e datonan digital no lo wordo comparti cu ningun otro entidad, ni den sector publico ni den sector priva. Solamente e cifranan agrega lo wordo publica y comparti.

Te cu aworaki CBS a haci

diferente tarea pa prepara pa e censo economico aki. Upegui a sigui splica cu desde october cu november tabatin diferente miembro di staff di e departamento di National Accounts cu a pasa full rond Aruba pa wak e companianan y a marca nan riba un mapa pa asina CBS por tin un base di cuanto compania tin.

Loke CBS a haci tambe ta den januari tabatin un sesion informativo pa e diferente stakeholders prome cu a anuncia e censo. Nan brinda e stakeholders informacion necesario y alabes CBS tabata kier haya feedback ariba kico nan, como stakeholders, ta haya ta importante pa inclui den e censo economico. Kico comercio kier wak como estadisticanan pa CBS publica y si tabatin feedback CBS a inclui e preguntanan aki tambe den e cuestionario.

No a haci e cuestionario aki den papiamento, e idioma principal, pero e lo ta disponibel tambe den Spaño,

Ingles y Hulandes.

Upegui a splica cu e informacion cu ta wordo pidi den e cuestionario ta entre otro informacion general, lo puntra e actividad economico principal cu cada compania ta haci, y tambe tin un di dos actividad economico pa e mesun negoshi.

Ta puntra tambe kico ta e servicio y producto cu cada compania ta ofrece, pero tambe kico ta usa pa produci. Esey, el a indica, ta yuda CBS determina cu precision e GDP di e sectornan miho.

Tambe tin diferente pregunta di empleo den e encuesta manera por ehempel cuanto empleado e negoshi tin, nan salario, pero tambe den averahe cuanto vacatura tin habri y cual ta e vacaturanan mas importante cu mester wordo yena.

E encuesta lo toca tambe ariba algun pregunta di digitalisacion, esakinan ta encera si ta usa rednan social, si ta haci propaganda riba rednan social y tambe si ta bende producto digitalmente, esaki ta inclui via website, via Facebook y hasta si ta haci transaccionnan di banco of si ta haci comercio via whatsapp.

Pa loke ta e encuesta pa e sector di agricultura, Upegui a indica cu e preguntanan ta inclui ki tipo di tereno e agricultor ta usa, pakico ta haci uso di e tereno aki, ki fuente

di awa ta usa, e manera con ta pisca, ki tipo di producto ta cultiva, ki tipo di producto ta gara, entre otro. .

El a agrega cu pa fin di maart comienzo di april lo tin un checklist riba e website di CBS cu informacion di kico tur e compania mester tin delanta pa haci e encuesta mas eficiente. Tambe pa transparencia lo publica e encuesta riba e website den tur cuater idioma.

Tamara Rasmijn, Communications Officer di CBS, a papia di e necesidad pa encuestado y kico tur mester cumpli cune pa por traha como un encuestado durante e censo economico 2023.

El a splica cu pa e Censo Economico 2023 CBS ta calcula cu mester alrededor di 40 encuestador. E diferencia di e censo aki compara cu e otro encuestanan, Rasmijn a indica, ta cu e encuestador tin cu acerca un negoshi y pues no por bisa cu tin un orario fiho, pasobra esaki ta depende e biaha aki di e companianan cu master wordo acerca y e orario cu e companianan aki ta traha.

Den caso cu un persona kier traha como encuestado, mester cumpli cu algun rekisito. E persona mester sa traha cu electronica ya cu e cuestionario ta completamente digital y pa esaki tin dos training obligatorio cu e encuestadonan mester asisti.

Uno ta pa splica e cuestionario y manera ta custumber CBS ta pasa riba tur pregunta y e diferente contestanan pa e encuestado ta miho prepara. E otro training ta encera e parti digital pa e entrevista por cana mas eficiente.

Algun di e otro rekisitonan pa por traha como encuestador ta cu e persona mester tin su propio transport, mester tin por lo menos 21 aña di edad, mester ta disponibel durante full e periodo di e censo economico, 14 di april pa 30 di juni y e persona mester por domina tur cuater idioma, Papiamento, Ingles, Spaño y Hulandes.

Esnan interesa por manda un email na ec2023@cbs.aw y asina lo ricibi e formulario di aplicacion digital.



Actividadnan pa Dia di Himno y Bandera a keda anuncia

Mediante un conferencia di prensa a anuncia e diferente actividad cu ta bay tuma luga den proximo dianan pa lora ta trata celebracion di Dia di Himno y Bandera, unda e aña aki tin cu lema pa e celebracion 'Union ta e forsa di nos baranca tan stima.'

Di esaki, presidente di Comision Celebracion di Dianan Nacional (CCDN) Lyonel Dirksz a informa cu tin varios actividad cu ta cay directamente bao di e comision aki como Poeta di Patria cu ta bay tuma luga dia 15 di maart, manifestacion cultural dia 17 di maart, acto protocolar dia 18 di maart, eventonan cu tambe CCDN ta partner cune como Festival di Himno y Bandera den categoria infantil y hubenil cu ta bay tuma luga dia 10 y 11 di maart y despues e festival adulto cu ta bay ta 12 di maart riba Plasa Betico Croes.

Pa lora ta trata e manifestacion cultural Dirksz a señalá cu esey ta bay cuminsa for di 6.30 di atardi na unda ta bay tin mas di 40 tent cu ta bay bende cuminda crioyo, cos dushi, artesanía unda ta bay acompaña musicalmente pa diferente artistanan y gruponan durante e actividad cu tin planea di caba cerca di 10.30 di anochi.

Academia musical Harpa y Cuarta bao direccion di Edgar Kelkboom ta bay habri e programa aki na unda 8or di anochi e programa ta bay cuminsa na momento cu mandatarionan lo yega, Orkesta Cultural bao direccion di Cris Kross ta bay tin compania di varios artista di e comunidad y tambe e Rey di Tumba di carnaval 69 y Soca King 2023.

Pa 18 di maart e actividadnan ta cuminsa for di mainta trempan, unda e acto protocolar na Plasa Betico Croes ta bay tin logistica pa asina por celebra e Dia Nacional cu ta bay tin un coro di grupo di muchanan di scol di Santa Cruz cu a wordo scogi, den caso aki Colegio Laura Wernet Paskel, Colegio San Hose, Maria School y nan ta bay wordo acompaña pa coro Tutifruti, e banda hubenil cu tambe ta bay ta presente pa acompaña e muchanan ta Caribbean Combo y alumnonan di Scol di Musica Rufo Wever.



Na momento cu acto protocolar lo termina ta bay sigui e desfile di gruponan uniforma y despues comunidad por sali y disfruta di e dia cu ta bay tin hopi actividad rond di e isla manera ta custumber.

Dirksz a haci un invitacion na gruponan social, deportivo y centronan di barío cu lo tin actividadnan pa asina tuma contacto cu CCDN pa nan actividad por ta riba nan calendario di cultura prome cu dia 10 di maart na e siguiente e-mail: ccdn@cultura.aw

Junior Arends vice-presidente di CCDN a expresa cu e evento 'Poeta di Patria' ta bay tuma luga dia 15 di maart na Cas di Cultura, inscripcion a wordo habri caba na tur esnan cu ta interesa pa participa sea pa declama un poesia of un poema na honor di Aruba.

Comision Arte di Palabra y Fundacion Corector Papiamento ta e instancianan encarga pa lora ta trata e or-

ganizacion di e Poeta di Patria 2023. "Tur escritor, declamado ta wordo invita pa haci uso di e oportunidad aki pa inscribi y participa," Arends a sigura y tambe a bisa cu te awe tin e oportunidad pa por inscribi y hasta 6 di maart tin oportunidad di manda e poema via digital. E tema cu ta bay wordo usa pa esaki e aña aki ta "Aruba" na unda e participantenan ta bay enfoca riba tur lo cual ta identifica lora ta trata cultura di Aruba.

Di e exigencianan, Arends a bisa cu e poema mester tin di entre 4 pa 9 strofa y cada strofa mes mester contene 4 regel, e poema por rima, mester ta na papiamento y tin cu expresa un mensahe relaciona cu e tema Aruba su cultura. Cada poeta por participa cu un poema manera el a sigura y por manda informacion na artedipalabra@gmail.com

Den otro actividad, tambe ta bay tin concurso di pintura

pa scolnan preparatorio y scolnan basico di e seis distrito na unda cada scol ta bay ricibi den proximo dianan e informacion necesario pa muchanan por pinta usando nan fantasia y creatividad.

Pa esaki ta bay cuater categoria como scolnan preparatorio, scol basico klas 1 y 2, scolnan basico klas 3 y 4, scolnan basico klas 5 y 6. Jessica Croes encarga cu e Festival Un canto pa Aruba su

Himno y Bandera a bisa cu e evento aki ta bay cuminsa diabierna 10 y diasabra 11 di maart cu categoria infantil y hubenil, dia 12 di maart ta bay caba cu categoria di adulto. Esaki ta bay ta e di 26 edicion di e festival e cual ta bay tuma luga na Plasa Betico Croes for di 6or di atardi na unda lo tin 13 agrupacion y 23 cantante, den categoria di adulto cu ta hopi gusta pa comunidad Croes a recorda na compositoran y areglistanan cu esaki ta un festival di compositor.

Exposicion Diaspora Arubiano na Archivo Nacional

Director di Archivo Nacional Aruba, Raymond Hernandez, a informa cu 18 di maart ta wordo celebra tur aña for di 2006 cu excepcion di e dos aña di pandemia di Covid-19, e actividadnan di Archivo semper ta bay combina cu un exposicion na unda nan ta trata di topiconan cu na e momento ey nan ta kere cu ta hopi interesante pa muestra na publico.

E aña aki nan ta bay enfoca riba e descendencia di e Arubiano, di na unda tur hende ta bini "p'esey e exposicion aki ta carga number di Diaspora Arubiano na unda nos lo cuminsa desde e momento cu prome bishitantenan cu a bira habitantenan cu a yega Aruba te mundo moderno di awendia na unda cu diferente nacionnan di mundo a bin y ta forma parti di nos pais," el a bisa.

Tambe lo enfoca riba e parti di esclavitud for di 18 di maart te cu 1 di juli unda cu ta bay habri e aña di conmemoracion den Reino pa lora ta trata abolicion di esclavitud. 18 di maart nan ta bay muestra na comunidad diferente faceta con e hendenan a migra y a yega na Aruba, tambe con cierto momentonan hendenan a bandona Aruba.



Minister Ursell Arends presente den Our Ocean Conference na Panama

Our Ocean Conference ta un espacio crea pa dialogo di colaboracion entre e hefenan di estado, sector priva, sociedad civil y institucionnan academico pa discuti con por salba recursonan marino, promove uso sostenibel y educa publico en general tocante oceannan.

Our Ocean Conference ta tumando luga na Panama for di ayera 2 di maart te cu awe.

Minister di Medio Ambiente, Ursell Arends ta participante den evento Blue Leaders, organisa pa Belgica pa asina ey habri e Our Ocean Conference cu e lema di e aña aki: "Nos Oceannan, nos conexion."

E evento a busca na fomenta apoyo pa e tratado "Biodiversity Beyond National Jurisdiction (BBNJ)", cu ta diseña pa proteha bida marino y recursonan den awanan inter-

nacional.

E evento di Blue Leaders a lansa un yamada pa tur pais pa "seal the deal" riba e tratado BBNJ, cu ta plania pa finalisa e aña aki, implementacion di e tratado ta esencial pa preserva salud y productividad di nos oceannan mundial, cu ta vital pa mantene bida riba e planeta, e meta ta pa logra proteccion riba por lo menos 30% di oceannan mundial.

Como participante na e evento, minister Ursell Arends a demostra e compromiso di Aruba, y di Reino Hulandes pa conservacion di nos oceannan y proteccion di bida marino. Synergia y ambicion pa esfuersonan cu ta crea resiliencia di recursonan y biodiversidad marino lo beneficia comunidannan rond di mundo.



Our Ocean Conference ta enfoca riba seis area di accion pa protege y revitalisa e oceannan como por ehemplo, areanan di proteccion marino, Blue Economy sostenibel, cambio climatico, seguridad maritimo, piscamento sostenibel y polucion marino.

Ocean ta un di e recursonan mas valioso di humanidad, e cas di 80% di tur bida na tera y e proveedor di cuminda pa mas di 3 bion hende na mundo, tambe un medio pa

comercial mundial, sinembargo, esaki ta den peliger pa via di calentamiento global, practicanan no sostenibel, piscamento ilegal, contaminacion imprudente y perdida di bida marino.

Panama ta e prome pais centro Americano cu ta anfitrión di evento aki, loke ta pone importancia riba contribucion di Latino America pa conservacion marino y liderazgo mundial den reaccion cu oceannan den ultimo añanan.



Minister Geoffrey Wever a reuni cu presidente nobo di Camara di Comercio

Camara di Comercio y Minister Geoffrey Wever di Asuntonan Economico ta reuni varios biaha pa aña pa asina discuti topiconan relaciona na economia di Aruba.

Ayera pa prome biaha Minister Wever a ricibi Sr. Gavril Mansur den su rol como Presidente nobo di Camara di Comercio. E topico nan cu a ser discuti ta entre otro e progreso di e UBO register, cual ta avansando manera plania. Tambe Camara di Comercio a trece varios punto dilanti relaciona cu e reforma fiscal y introduccion di BBO na frontera.

Na final Camara di Comercio y Minister Wever a papia ampliamente di e plannan di desaroyo di centro ciudad di Oranjestad y San Nicolas.

"Semper ta un placer pa intercambia di idea cu Camara di Comercio, semper nan ta duna un contribucion positivo y real," segun Minister Geoffrey Wever.



Diahuebs mainta tabatin un reunion hopi interesante cu Minister di Energia Sr. Glenbert Croes riba e topico reduccion di tarifa di awa y coriente. Den e reunion tambe tabata presente Director

di WEB Aruba nv. Sr. Alfredo Koolman, Director di ELMAR nv. Sr. Anthony Irausquin como tambe Director di Utilities Sr. Anthony Rojer.

Den un declaracion di Sr.

Director di Utilities Sr. Anthony Rojer

Trahandu continuamente pa ofrece un miho tarifa di awa y coriente na comunidad

Rojer despues di e reunion, e la bisa di ta trahando continuamente pa por ofrece un miho tarifa pa comunidad. For di aña pasa 2022, WEB a absorba e aumento di tarifa pa shete luna door di e aumento drastico di e Heavy Fuel Oil, resultado cu e tarificanan mester a wordo ahusta na september.

Despues di seis luna a evalua atrobe pa wak con e tarifa riba

mercado ta bay pa asina sinta hunto atrobe pa mira con ta bay reduci e tarificanan di awa y coriente.

Pa Sr. Rojer diahuebs mainta tabatin un bon reunion mirando cu ta cumpliendo cu e lundersnan y recuperacion di e companianan ta bayendo den bon direccion. Despues cu 2022 a cera cu WEB su perdida di casi 40 milyon florin dor di absorba e aumento

di e Heavy Fuel Oil, awor aki ta premira cu por reduci e tarifa gradualmente ora cu por, depende di e mercado. Si por hacie lo hacie pasobra e meta principal ta pa duna e comunidad e miho tarifa cu por.

Director di Utilities Sr. Anthony Rojer a bisa cu ta trahando hunto pa yega na solucionnan cu ta beneficioso pa tur.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro

Andreina Morillo

Raisa Montilla

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Upload Media Aruba

Afiliacion

Sociedad Interamericana
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba


BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Dia Internacional di Hende Muhe e aña aki dedica na un mundo digital inclusivo

E luna aki, dia 8 di maart ta celebra Dia Internacional di Hende Muhe. Pa e aña aki, Nacionnan Uni, a pone como tema pa e celebracion aki "Pa un mundo digital inclusivo: Innovacion y Tecnologia pa igualdad di genero.", poniendo asina enfoka ariba e accesibilidad di hende muhenan rond mundo na

tecnologia.

Nacionnan Uni tin como meta e aña aki ta pa rindi homenahe na e activista- y organisacionnan cu ta lucha pa tecnologia y educacion cu ta transforma pa hende- y muchanan muhe, cu lo explora e efectonan di e buraco digital di genero den e crecemento di desigualdad-



nan social y economico. Lo pone enfasis na e importancia di proteha e derechonan di e hende muhe den e espacio digital y lo aborda violencia di genero online.

Den actualidad bida di ser humano ta depende fuertemente riba integracion digital: for di cursonan online, reunionnan virtual, conecta cu sernan keri, pa haci afspraak of hasta pa consultanan medico nos ta usa tecnologia. Sinembargo, 37% di hende muhe no tin acceso na tecnologia.

Golablemnte 63% di hende muhe na mundo tin acceso na internet, compara cu e 69% di hened homber. E buraco, e desigualdad aki, ta bora cada aña menos, pero na paisnan cu ta den desaroyo ainda e diferencia aki ta significativo.

Nacionnan Uni ta remarca cu si e muhenan aki no por tin acceso na internet y no ta existi un sistema cu ademas ta laga nan sinti sigur navegando den e mundo digital, nunca nan lo por desaroya e habilidadnan digital necesario pa nan bida diario, locual ta genera un perdida di oportunidadnan den nan bida, y mas concretamente na momento di studia careranan relaciona cu ciencia y tecnologia.

Nan ta permira cu pa 2050, 75% di e trabounan na mundo lo ta relaciona na e areanan di STEM (Science, Technology, Engineering, Mathemat-

ics). Pero den actualidad hende muhe ta ocupa solamente un 22% di puestonan cu tin haber cu areanan aki y nan acceso na mundo digital ta ainda menos, specialmente na paisnan cu no ta desaroya of ta den desaroyo ainda.

"Incorpora e hende muhe y mucha muhe den tecnologia y educacion digital lo permiti solucionnan mas creativo y tin un potencial mas grandi pa innovacionnan cu lo satisfice e necesidadnan di e muhenan, cu lo promove e igualdad di genero y cu lo fomenta activismo. Nan falta di inclusion tin u costo grandi," Nacionnan Uni ta destaca.

En conexion cu e celebracion aki, HIAS Aruba hunto cu ACNUR lo ta organisando tayernan durante luna di maart specialmente pa empodera e muhenan den e tereno di tecnologia, beyesa, artesanian y cuido propio.

Dia 7 y 8 di maart ta bay tin tayernan pa yuda e hende muhe usa rednan social y traha cu diferente herment online cu lo beneficiannan den futuro. Dia 14 di maart ta bay tin tayer di artensania di palo na unda lo siña con pa traha artensania di palo. Y dia 15 di maart ta bay tin un tayer cu lo enfoca ariba e uso di productonan ecologico pa cuido propio. Durante e tayer aki nan lo siña con pa torah nan mesun productonan ecologico cu ingredientenan organico.

Prome Minister Evelyn Wever-Croes: Den cuadro di Dia di Hende Muhe

Prome Minister Evelyn Wever-Croes a reuni cu Bureau Interne Diensten (BID) riba varios topico

Diahuebs mainta, Prome Minister Evelyn Wever-Croes a bishita Bureau Interne Diensten (BID), cu ta e departamento central cu ta administra tur documentonan di gobierno. BID den e ultimo temponan ta trahando duro riba digitalisacion y automatisacion di e procesonan pa asina cuminsa uza menos papel y traha mas digital.

Mirando e importancia di proyecto aki, Prome Minister kier a scucha di e departamento con e plannan ta bayendo pa cu esaki. Prome Minister a expresa di ta hopi contento di a scucha cu e plannan ta canando bon y cu pronto BID lo por brinda un servicio digitalisa na nan cli-



entenan.

Prome Minister su bishita na BID ta relata tambe cu ta Dia di Hende Muhe ta acercando y e tema e aña aki ta innovacion, con bo ta empodera hende muhe a traves di innovacion. Mirando cu BID a pasa ultimo tempo den hopi proceso di innovacion, tabata interesante pa scucha di nan, nan experiencianan pa cu esaki. Prome Minister a splica cu apesar cu no ta tur hende ta bay mes liher cu e cambionan den innovacion, en general e experiencianan ta positivo y e empleadonan tin e animo necesario pa logra esaki.

Durante su bishita, Prome

Minister tambe tabata tin e oportunidad di reuni cu e empleadonan riba varios tema cu tin nan preocupa. E temanan tabata entre otro e empleadonan posicion huridico di trabou y di e presupuestonan. Durante e reunion aki, e empleadonan tabata tin e oportunidad pa trece tur nan preocupacionnan dilanti.

Prome Minister a indica cu e reunion tabata uno positivo y cu mirando bek riba e tema di Dia di Hende Muhe cu ta innovacion, esaki ta un chempel con e hende muhenan ta haciendo den e ramo aki pa asina percura pa futuro generacionnan por probecha di dje.

Pa minister Glenbert Croes seguridad energetico ta un prioridad urgente

Durante Rueda di Prensa di Gobierno, Minister Glenbert Croes a elabora riba e trabounan di recuperacion riba e infraestructura di refineria, cu pa hopi aña a keda para. Un di e aspectonan cu e mandatario di Energia ta presiona riba dje ta siguridat energetico cu tabata un cos cu semper a preocupa e mandatario, cu ta urgente y cu tin tur su atencion.

Kico kieren ‘e infraestructura esencial pa percurpa pa siguridat energetico’, e mandatario a continua splicando; “Supply di gasolin no por faya, supply di diesel no por

faya, supply di jet fuel no por faya, supply di heavy fuel oil etc no por faya. Tur loke cu ta importante y indispensable pa nos economia local, no por faya, por lo cual tur infraestructura cu mester pa segura importacion y distribucion di tur e combustibelnan esencial pa nos economi, no por. Pues mester haci e inversionnan necesario pa por segura esaki.”

Contestando pregunta di periodista referente e refineria, e mandatario a sigui splica cu mescos cu e dicho ta bisa cu un barco para no ta cobra flete, igual un refineria para no ta genera entrada. Minister Croes a sigui splica cu tur

e parti bon di e refineria lo wordo reactiva cu tecnologia y energia limpi. Tur parti di e refineria cu no ta bon mas, lo bira parti di e componente di inversion den e Aruba Hydrogen Valley.

Ya pesar cu hopi ta pensa cu e proyecto ta un soño di futuro cu lo tarda hopi pa bira realidad, e mandatario durante rueda di prensa a comparti un noticia publica e dia ey na Europa di e inversion cu ta tumando luga na paisnan Nordico unda cu tur 4 pais lo bay produci Green Hydrogen cu ta cla pa cuminsa cu suministro den 2023 mes. Esaki pa ilustra con lihe e proyecto di Aruba Hydrogen Valley lo



por bira realidad treciendo e spin off economico cu Aruba mester di dje, creando e segundo pilar economico cu lo pusha nos pais den e direccion di e prosperidat y bo-

nanza cu nos pueblo merece. Minister Glenbert Croes a tuma na su encargo pa percura pa Aruba ta e prome den region cu e Aruba Hydrogen Valley.

AWA

MINI MEGA

MEGA PLUS

Awo cu 2 florin mas, bo por gana e

*** Afl. 420.000,-**

*** Afl. 320.000,- + Afl. 100.000,-**
extra

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

LOTO

(NLTimes)—Mas cu 160.000 hoben entre 18 y 27 aña di edad a traha afspraak cu GGD pa un vacuna contra HPV desde januari, RIVM a reporta. E instituto di salud tambe a reporta cu e cantidad di vacunacion di baby ta bahando.

HPV—virus papilloma humano—ta un virus comun cu por causa cancer di baarmoederhals, boca, garganta, penis, anus y vagina. Hulanda a cuminsa distribui vacuna pa mucha muhenan desde 2010; mucha hombernan a wordo añadi den e programa di vacuna aña pasa.

Desde januari, RIVM a cuminsa yega na hobennan entre 18 y 27 aña di edad cu no a cualifica pa un vacuna contra HPV den pasado of cu e perde nan chens pa esaki. Tin casi 1.2 miyon hoben den e

grupo di edad aki.

E figuranan preliminar di RIVM pa e vacunacion contra papera, sarampi y rubella (MMR) y esun contra diphtheria, kinkhoest, tetanus y polio (DPTP) den baby a muestra un reduccion di cubrimiento di vacunacion. E cantidad di vacunacion pa MMR a cay for di 92.9% pa 89.5% aña pasa y DPTP for di 94% pa 92.9%, NOS a reporta.

RIVM no a duna un splicacion specifico pa e reduccion. Aunke el a nota cu mayornan por vacuna nan baby anonimo desde aña pasa, y e vacunacionnan ey no ta conta den e figuranan di participacion. E efecto di e coronavirus tambe a hunga un rol: Na Hulanda, confiansa di pueblo den vacuna a cay for di 84.5% pa 75.7% desde 2020.

Mas cu 160.000 hoben a aplica pa vacuna di HPV; menos baby ta hayando vacuna



Hulanda:

Solamente un reduccion chikito den problema di salud mental entre hobennan despues di cuarentena

(NLTimes)—E proporcion di hobennan cu kehonan di salud mental a reduci un tiki desde cu e cuarentena ultimo den cuminsamento di 2022. Mientras cu e porcentahe di hobennan cu problema psicologico a cay den zomer di e aña ey, esaki a subi bek atrobe den temporada di herfst, segun e instituto di salud publico Hulanda RIVM.

Na september 2021, 35% di hoben tabata experienciando problema psicologico. Esey a aumenta pa 39% na maart 2022, net despues di e ultimo cuarentena. Aunke e porcentahe a reduci pa 32% na september, esey toch tabata mas halto cu e aña anterior. Pa december 2022, esaki a aumenta un tiki. E figuranan di hobennan experienciando pensamiento di suicidio a muestra un trend similar.

RIVM ta basa su conclusion riba investigacion di e Net-



work GOR, cual ta compila estudio riba e impactonan cu desasternan tin riba salud. E partnership a mapa e consecuencianan di plaso corto y largo di e pandemia di coronavirus riba e salud y bienestar di hende desde september 2021, cu un subsidio di e ministerio di Salud. Encuestanan ta wordo uza pa investiga riba hobennan, cual ta defini den e caso aki como esnan entre 12 pa 25 aña di edad.

E porcentahe di adultonan cu kehonan di salud mental of pensamiento di suicidio na december 2022 a keda casi mescos cu na september di e mesun aña. E prome medidanan entre adulto a wordo implementa na maart 2022, pues un comparacion cu e asuntanan di estado prome cu cuarentena no ta posibel.

RIVM no a duna un splicacion of contexto pa e con-

tinuacion di problemanan psicologico den hobennan despues di e ultimo cuarentena. Prome, “kehonan mental, pensamentonan di suicidio y soledad tabata asocia cu cosnan cu hende a experiencia pa via di Covid, manera hospitalisacion por ehempel.”

Esnan cu a wordo enfrenta cu un situacion asina tabatin dos biaha mas probabilidad pa experiencia keho psicologico. “Na december, e conexon no

tabata t’ey mas.” Pero segun RIVM, tin un “grupo chikito” cu ta sufriendo pa basta tempo caba di e eventonan cu nan a experiencia como un resultado di e pandemia.

Esnan cu a tuma contacto cu AllesOK?, cual ta un linea di apoyo pa hobennan entre 18 y 25 aña di edad, ta un tercer di combersacionnan tocante problemanan emocional, segun e organisacion diahuebs. E combersacionnan tocante problemanan eynan y esnan maneha pa Kindertelefoon, a reporta discusionnan tocante stress, deseo pa haci daño na bo mes, pensamiento di suicidio of “no sinti bon”.

Director di Kindertelefoon y e linea di apoyo AllesOK? Roline de Wilde a declara: “Nos ta tende frecuentemente cu muchanan y hobennan no ta sinti cu nan ta wordo tendi of cu hende no ta compronde nan. Nan tambe por tin miedo y berguensa pa opinion di otro hende.”

Hulanda:

3 aña den prizon pa docente acusa di abuso sexual y pornografia infantil

(NLTimes) - Corte di Apelacion na Den Haag a dicta sentencia di 35 luna den prizon contra un docente, ken a ser acusa di abusa sexualmente di 3 estudiante hoben y posesion di pornografia infantil y di bestia. E docente tabata traha na un scol primario na Noordwijkerhout durante e tempo cu e crimennan a ser cometi.

Den aña 2020, Corte na Den Haag a sentencia e docente

na 36 luna den prizon, 12 luna cual a ser condicionalmente suspendi. E corte di apelacion a corta un luna for di e sentencia pa motibo cu e caso a tuma hopi largo den e apelacion. Ambos corte a prohibi e persona di fungi como docente, dunador di cuidu of instructor trahando cu muchanan pa 5 aña.

Dos experto a duna opinionnan cu ta contradeci otro tocante si e victimanan su declaracionnan y testimonio

tabata confiabel. Corte no a considera necesario pa yama un tercer experto den e apelacion y tampoco e inclui e expertonan su opinionnan ora di ahesora e caso.

“Corte a considera su mes capas di forma un opinion basa riba con confiabel e testimonio di e victimanan tabata,” Corte a declara. Nan a basa nan decision riba e documentonan den e caso y e testigonan cu a testigua durante e apelacion.



Cft: Corsou su presupuesto ta demasiado conservativo



(CuraçaoChronicle) - E presupuesto pa aña 2023 cu parlamento di Corsou a adopta ta leu di e realidad. Ingreso a ser poni menos cu un diferencia di 100 miyon y e gastonan ta decenas di miyones demasiado halto.

Segun CFT, Corsou pa e motibo aki por cuminsa e aña cu e compensacion legalmente rekeri di deficitnan anterior y cu esaki reduci e debe di e gobierno cu actualmente ta na 4.2 biyon florin.

Aunke Minister di Finanzas Javier Silvanía a elogia su propio prestacion, Cft ta sumamente critico di su asesoria di e presupuesto

en cuestion. E comite, cu ta encarga di supervision financiero, a skirbi un carta di 11 pagina pa indica kico ta incorrecto den e presupuesto.

Mehora e maneho financiero no ta un opcion den temrino cortico; Segun silvanía, esaki lo tin mester di hopi tempo y probablemente lo tuma te cu aña 2026.

Ta di sumo importancia cu e gabinete di Pisas asumi di antemano cu e prestamo relaciona cu coronavirus di mas di 900 miyon florin cu ta para pa dia 10 di october lo keda refinancia pa Hulanda aunke cu e negociacionnan pa cu esaki a caba di cuminsa recientemente.

Corte: “Pa Gabinete Schotte, experticio tabata secundario”

(CuraçaoChronicle) - “Es-akinan tabata momentonan special bao e gabinete Schotte, un gobierno di un tipo cu nunca nos a yega di mira den e reino Hulandes,” Corte na Willemstad a bisa den su veredicto contra di directornan di ex Stichting Buro Ziektekostendiensten (BZV), cual ta e departamento di seguro di salud.

Corte a sentencia e dos ex directornan na un compensacion di 4 miyon florin pa causa di nan mal maneho. Segun e veredicto, a tuma luga un “gran cantidad di violacionnan” y “un gran mal gastamento di placa,” parcialmente motiva pa e ex minister Jacinta Constanía, ken anteriormente a ser acusa di fraude.

“Pa e Gabinete Schotte, ex-



perticio tabatin un importancia den segundo luga,” Corte a nota, cual ta haya cu e so-

speshosonan no solamente tabata esunnan cometiendo e violacion sino tambe victima;

“Nan no tabatin bista tocante cua nan propio competencia tabata” y no a beneficia di

manera personal di nan mal maneho. Incidentalmente, Corte ta sospecha cu e daño causa ta hopi mas halto cu 4 miyon florin.

Corte tambe a nota cu ta lamentabel cu mas director y entidadnan gubernamental te ainda no a para responsabel pa mal maneho. Den e dos aña cu Schotte tabata Prome Minister, centenares di miyones probablemente a ser scondi.

Den su veredicto, Corte tambe ta considera e intento di actual Minister Pietersz-Janga encarga cu Salud Publico di interveni den e proceso legal pa asina preveni cu fiscalia tuma accion legal contra ex directornan di BZV.

Schotte, Constanía y Pietersz-Janga tur ta parti di e partido gobernando actualmente MFK.

A hinca mucha muhe durante un atake aleatorio den centro di ciudad Gothenburg

(NLTimes)—Un mucha muhe di Amsterdam a wordo herida gravemente durante un hincamento cu a tuma lugá diahuebs atardi na e centro di ciudad Gothenburg. A hinca e mucha muhe varios biaha, incluyendo den stoma, ora e tabata den Brunnsparken, cual ta un di areanan mas druk di e ciudad Sueco. E tabata bishitando famia ora cu e incidente e tuma lugá, segun un amigo di famia pa De Telegraaf.

E heridanan di e mucha ta “grave pero stabiel”, segun

polis. El a wordo hiba na e hospital di mucha den e area. Autoridadnan a identific’e como un mucha di 10 aña di edad, pero fuentenan pa De Telegraaf a bisa cu e tin 9 aña. “Un muhe cu ta famia di e mucha a haya heridanan di cuchiu den un brasa pero esaki no ta grave. Nan a hib’e hospital via ambulance.”

Corant local di Suecia Göteborg-Posten a bisa cu e segunda victima tin 65 aña di edad. Otro medianan di comunicacion a bisa cu e ta e wela di e mucha muhe, y e tabata un di e miembronan di famia cu e proteha e mucha



durante e ataca. Un oficial di prensa pa polis a declara cu e heridanan riba e brasa di e wela ta muestra manera heridanan di defensa.

E incidente a sosode banda

di 12:35 di atardi, segun polis. Un otro representante di polis a declara cu varios hoben cu tabata den bisindario durante e ataca a benta e sospechoso riba vloer. Despues

nan a wordo yuda pa seguridad. Polis a yega na escenario un par minuut despues y a detene e sospechoso.

No tin ningun conexion entre e sospechoso, cual ta un homber di 35 aña di edad, y e mucha muhe, polis a conta Sveriges Radio. Media di comunicacion local a bisa cu e homber a sirbi tempo den prizon y tabatin contacto cu servicionan social den pasado.

Polis no ta pensa cu terrorismo ta un motivacion, pero e motibo pa e atake ainda ta wordo investiga.

Problemanan pa drenta DigiD resolvi; miles di impuesto debilbi



(NLTimes)—Logius, cual ta un agencia gubernamental cu ta maneha e sistema di DigiD pa algun websites, a bisa cu e lo sigui aumenta e capacidad diahuebs pa mas hende por haya acceso den nan

sistema. Desde diaranson, hende por a sigui yena nan declaracion pa impuesto atrobe. E pura pa entrega informacion na e Departamento di Impuesto sa pega e sistema, cual ta causa cu hopi no por ‘log

in’ cu nan DigiD.

Pa via di e problemanan cu DigiD, tambe ta a bira mas dificil pa log in den otro organisacionnan cu ta rekeri DigiD, manera seguro di salud y agencia di beneficio UWV. Logius a declara diaranson cu e ta mira mas perdida pa log in compara cu dia 1 di maart, pero ainda no sa pakico.

De hecho, e Departamento di Impuesto a ricibi casi 60.000 declaracion di impuesto caba den e prome shete ora despues cu e bentana pa entrega a habri, cuminsando marduga. E prome declaracion di e aña a wordo entrega 12:01 di ano-

chi.

Un vocero pa Logius a bisa cu e problemanan a sigui diahuebs, pero mas hende por log in atardi despues cu e capacidad subi. Diaranson, Logius no kier a subi e capacidad mas pasobra cu tabatin riesgo cu DigiD no lo traham es.

“E sistema a wordo analisa y mehora desde diaranson anochi, pues awo e por maneha un aumento den capacidad,” segun e vocero. Ainda no ta conoci cuanto hende por log in diahuebs atardi, como cu e ta depende riba e demanda pa uza DigiD. Actualmente, e capacidad pa log in ta 400.000

pa ora. E organisacion a declara prome cu e tin e expectativa cu e situacion lo calma naturalmente diabierna.

Na cuminsamento di dia, e Departamento di Impuesto a avisa hende via Twitter pa purba atrobe despues si nan haya problema.

Individualnan priva y entrepreneuran cu a wordo informa pa e departamento pa yena declaracion por haci esaki entre 1 di maart y 1 di mei. Casi 7 miyon individual priva y 1.8 miyon entrepreneur a ricibi un carta cu e apela den e ultimo simannan.

Polis a detene homber di Ede despues cu a haya un persona Belga morto den auto cerca di e bos nacional

(NLTimes)—Polis a declara cu un homber di 29 aña di Ede, Hulanda, a wordo deteni diaranson den un conexion cu e descubrimiento di un curpa den un vehiculo para den e parking lot di un bos nacional. E curpa di un persona Belga di 45 aña di edad a wordo descubri dia 13 di februari, pero polis ta sugeri cu e vehiculo tabata den bisindario desde fin di januari.

E auto tabata para pafu di e Stroeze Zand, cual ta un bos nacional na Voorthuizen, Gelderland. Ora e descubrimiento a wordo anuncia un dia despues, polis no a nenga e crimen. E causa y manera di morto ainda no tabata conoci.

“Despues di un investigacion intensivo pa e ekipo detective, e ekipo a logra detene un sospechoso,” polis a declara. Mas detencion ta posibel den futuro.

Autoridadnan a tuma varios ora despues di e descubrimiento pa papia cu hende den e area. Un investigacion forensico tambe a wordo desplega na e escenario. Polis a bisa cu e 45 tipnan cu nan a ricibi di e publico a yuda den nan investigacion.

“Nos ta puntrando testigonan cu ainda no a papia cu polis ainda pa bin dilanti,” polis a declara riba 14 di februari. “E ekipo di investigacion ta hopi interesa den e informacion di

e anochi mes, pero tambe e dianan despues te cu a descubri e persona.”

Autoridadnan a puntra pa

grabacion ‘dashcam’ di e area cerca di e parking lot di Stroeze Zand, den bisindario di Harderwijkerkarweg, pa por descubri kico a pasa. In-

vestigadonan tin speransa ainda pa por papia cu cualkier persona cu tabata den e parking lot desde 30 di januari.



Discusion entre Petro y Bukele pa criticanan na mega-prison di El Salvador

(NTN24) - E inauguracion di un prison nobo na El Salvador, iniciativa di presidente Nayib Bukele, a provoca un ola di polemica y discusion den henter e region.

Na e centro penitenciario a wordo hiba e prome 2.000 supuesto miembro di gang, e luga ta wordo considera como e prison "di mas grandi na America," diseña pa resguarda 40.000 criminal.

Entre varios opinion a resulta esun di e presidente di Colombia, Gustavo Petro, ken durante e evento di entrega di ampliacion di Universidad Francisco Jose de Caldas na Ciudad Bolivar el a referi na e mega-prison y a yamél'e "campo di concentracion."

"Boso por wak e potretan teribel na rednan social, mi no por mete den otro paisnan, di e campo di concen-



tracion di El Salvador, yen di hobennan, miles y miles encarcela; cu ta duna miedo. A mi ta kere cu tin hende cu ta gusta esey, wak e hubentud den prison y nan ta kere cu esey ta siguridat y e popularidad ta subi, nos a biba esey akinan na Colombia tambe," e mandatario a señala.

Asina mes, Petro a comparti un tuit cu tabata critica e gestion di El Salvador tocante e gangnan: "nan ta bisa cu asina nan ta stop homicidio, pero cu politica social sosteni den tres decada e mortonan violento a baha di 85 pa 100 mil habitante na 1993 pa

13 pa cada 100 mil na 2022 na Bogota. Petro a recorda ora esey a inaugura un sede Tecnológico di Universidad Distrital na Ciudad Bolivar," e mensahe di un usuario na Twitter a bisa.

Oranan despues e presidente Bukele tambe a contesta via

Twitter e acusacionnan cu a wordo haci pa Petro.

"E resultadonan ta pisa mas cu retorica. Mi ta desea cu Colombia en realidad lo logra baha e indice di homicidio, manera nos a logra na El Salvador. Dios bendiciona boso," e Salvadoreño a bisa citando e video na unda Petro ta papia di e prison.

No obstante, Petro a contest'e back mencionando e cifranan a propone na Bukele un foro internacional pa lo cual Bukele a bisa "for di 1993? 30 aña, a bo a goberna 30 aña? Bogota?"

No ta a bo e presidente di Colombia? Nos experiencia ta di mas di 100 homicidio pa cada 100 mil habitante, avor nos ta den cifranan di un digito so y e reduccion a wordo haci rapido pasobra nos no por recupera e mortonan." Bukele a skirbi.



(EFE) - Presidente di Nicaragua Daniel Ortega y su casa Rosario Murillo e vice-presidente, asina como tambe e halto mando di Polis Nacional y otro entidadnan estatal a comete violacion grave di derechonan di poblacion, cu ta inclui crimen di lesa humanidad.

Un grupo di expertonan di derechonan humano di ONU a yega na e conclusion aki despues di investiga y recolecta pruebanan di e situacion na Nicaragua for di dia cu protestanan ciudadano a cuminsa na 2018, e prome rapport a wordo presenta ayera na prensa na Ginebra.

Crimen di lesa humanidad di e cual ta acusa e grupo politico y di siguridat di Nicaragua ta cubri un cuadro hopi amplio di abusanon, como eheucion extrahudicial, detencion arbitrario, tortura, violencia sexual, asina como un nivel di censura cu ta impedi na ciudadanonan participa den asuntonan politico, expresa, reuni of eherce nan libertad di consciencia y di religion.

"E crimennan aki a wordo cometi pa motibonan politico y te dia di awe esey ta continua. Aparato estatal den su integ-

ridad a bira un arma di persecucion contra poblacion," e presidente di e grupo, Jan Simon a bisa.

Na tur e crimen ey ultimamente a agrega e negacion di derecho di nacionalidad y di permanece den e mesun pais.

Recientemente gobierno a retira di forma arbitrario e nacionalidad di 316 persona e cual ta wordo acusa di traicion pa e patria, di nan, 222 a wordo expulsa di e pais. Tambe, e gruponan di experto a confirma cu pa comete un multitud di crimen den

ultimo cinco aña contra poblacion "un variedad di actornan y institucionnan" a sigui orden di Presidencia y Vicepresidencia contra tur esun cu tin un postura diferente na di gobierno of cu por ta sospechoso pa critica.

Entre e hechonan di e grupo a wordo determina cu Polis y gruponan arma di gobierno a ehecuta oponentenan of personanan cu tabata wordo percibi como tal, y esaki ta debi na instruccionnan di autoridadnan nacional, local of di lidernan teritorial di partido di Ortega.

Nicaragua: Segun expertonan di ONU, Ortega y Murillo ta responsabel di crimennan di lesa humanidad

Insiguridad a stop e prome caravana di migrantenan na sur di Mexico

(EFE) - E prome caravana di 2023, cu a sali for di Tlapachula cu casi 1.000 migrante a stop su recorrido diaranson ultimo na localidad di Huixtla na Chiapas, sur di Mexico pa via di temor na insiguridad di e pais.

Pa e mesun situacion aki e migrantenan a pidi na Guardia Nacional y polis di estado

di Mexico pa acompaña nan den nan caminda pa yega na nort di Mexico, cu e obhetivo di crusa pa bay Merca.

E soño di un migrante Venezolano di 28 aña ta pa cumpli su promesa na su mama y yudél'e pa cambia su situacion economico y tambe pa sostiene su famia.

Pero el a bisa cu tanto na

Huixtla como na Chiapas nan a bin pidiendo apoyo na e cuerponan di siguridat, el a señala cu pa e migrantenan e situacion ta dificil pa motibo cu nan no ta conta cu apoyo, e mayoria di nan ta bira victima di extorsion y esey ta crea miedo y depresion.

Sinembargo, tin di nan cu ta bay continua nan caminda na unda nan ta bay sali for di



Huixtla cu destino na municipio di Mapastepec, ubica na

40 kilometer di distancia.

Mundo a cansa di reconstruccion na Haiti

(Devex) – Un campaña di varios luna di liderazgo Haitiano y Nacionnan Uni pa persuadi Merca, Canada y cualkier otro poder regional pa lidera un forsa internacional pa combati un coalicion di gangnan di caya a practicamente fracasa, generando miedo cu e pais por cay den caos mas profundo, segun diplomaticonan di ONU.

“Nada ta move den e conseho; niun hende tin apetito pa pone trupa of polis den peliger,” un diplomatico senior di conseho di seguridad a bisa Devex. “Tin fatiga di Haiti; p’esey hende ta asina dudoso.”

Linda Thomas-Greenfield, embahador Mericano na ONU, a bisa dia 17 di october ultimo cu “ta nos responsabilidad pa bin hunto pa yuda restaura paz y seguridad pa pueblo di Haiti.” Cuatro dia despues, e conseho a adopta un resolucion, prepara conhuntamente pa Merca y Mexico, pa impne sancionnan financiero, di arma y di biahe contra miembronan di gang responsable pa atrocidadnan na Haiti.

Pero e empuhe di Merca pa manda un forsa internacional ta den limbo.

Washington a preveni introduccion di un di dos resolucion creando un forsa di seguridad internacional paso-

bra no ta dispuesto pa lidera operacionnan y no ta capaz di sigura otro pais pa hacie.

Mientras tanto, Rusia, cu tin poder di veto den e conseho di 15 nacion, a telegrafia su reservanan, como anfitrión di un sesion di informacion pa e conseho di un activista cu ta opone intervencion stranhero. “Nos tin duda cu e opcion di manda un forsa militar internacional por cambia e situacion fundamentalmente,” embahador Ruso na ONU, Vasily Nebenzya a bisa e conseho na october.

E duda pa manda trupan stranhero na Haiti ta refleha skepticismo profundisando na Washington, Ottawa y



otro capitalnan cu e nacion di menos recurso den Hemisferio Occidental por prospera, hasta cu biyones di dolar den ayudo y sosten di seguridad. Tambe ta trece mal memoria entre Haitianonan tocante e

mision di paz problematico di ONU, cual su Helmet Blauwnan a introduci colera na Haiti y a keda vincula na un serie di caso di explotacion sexual.

Puerto Rico: Senado ta aproba, pa di dos ocasion, medida cu ta prohibi discriminacion laboral pa tattoo

(ElNuevodia) - Senado a aproba, pa di dos ocasion, un proyecto di ley cu lo prohibi discriminacion laboral den sector publico of priva contra personanan cu tin tattoo, piercing corporal y cabey tiña den colornan no tradicional.

E medida, Proyecto di Camara 1270, a ricibi 17 voto na favor, tres den contra y tres abstencion y lo pasa aworaki pa e firma di e gobernador Pedro Pierluisi.

Un aña pasa, dia 7 di maart di 2022, Pierluisi a duna un veto expresa na e piesa legislativo,



ora cu el a argumenta cu e propuesta tabatin un meta valioso, pero e no por a firme door di eroran den un articulo di e Codigo Municipal di 2020.

Senadora Ana Irma Rivera Lasse, presidente di e Comision di Asuntonan Laboral y di Derechonan Humano, a sostene, den un turno na

favor, cu a traves di historia tattoo, piercing y cambionan di color di cabey ta forman di expresion artistico, social, politico y incluso religioso di un sin fin di civilisacionnan. “Pa e rason aki cu e discriminacion pa e uso di tattoo, piercing of un color no tradicional di cabey ta interferi cu derechonan constitucional fundamental di e personanan pa libertad di expresion, asociacion y di culto. Esey ta inclui cu tin hende cu ta wordo discrimina hasta pa con nan peña nan cabey ora cu esaki no ta corresponde na expresionnan mas tradicional ariba tocante supuestamente kico

ta beyesa”, e senadora di e Movimiento Victoria Ciudadana (MVC) a agrega.

Ademas e Camara a respalda e Proyecto di Senado 235, di e senadora Ada Garcia Montes, cu ta busca pa e tecniconan di emergencia medico di e Negociado del Cuerpo de Emergencias Medicas wordo inclui den e definicion di servidornan publico di riesgo halto.

E medida lo permiti cu e empleadonan aki gubernamental retira, voluntariamente, despues di a yega 55 aña di edad y tin 30 aña di servicio.

Venezuela: Ta premira cu CPI lo reanuda investigacion despues di acusacionnan di oficialismo

(ElNacional) - E acusacionnan realisa pa e oficialismo e siman aki contra e Fiscalia di e Corte Penal Internacional (CPI) por ta e antesala pa e reanudacion formal di e investigacion ariba presunto crimennan di lesa humanidad na Venezuela, segun e opinion di defensoran di derechonan humano.

Den un comunicado publica dialuna, e gobierno di Nicolas Maduro a cuestiona e imparcialidad di e oficina di e fiscal hefe di CPI, e Britanico Karim Khan, y a accusele di mantene vinculonnan cu ONG na e pais.

E asociacion civil Control Ciudadano a adverti cu e comunicado ta demostra cu e gobierno di Venezuela lo eherce tur e accionnan procesal, pero

tambe politico pa purba desacredita e investigacion.

E presidente di Control Ciudadano, Rocio San Miguel, a señala cu CPI lo mester eherce hurisdiccion ariba e casonan someti pa examen mirando e negacion cu esakinan a tuma luga di parti di e Estado Venezolano.

Carlos Lusverti, abogado y profesor di derechonan humano na e Universidad Catolico Andres Bello, a bisa cu e cooperacion positivo y proactivo cu tabatin den november di 2021 entre e fiscal hefe di CPI y e gobierno Venezolano por wordo afecta pa motibo di e comunicado di e ministerio di Maduro.

“Ta parce cu e romance cu nan tabatin cu e Fiscalia na november di 2021 a

caba of no ta den un momento importante. Nos no sa si esaki ta bay hiba na un momento mas tenso (di e Estado Venezolano) dilanti e corte,” el a manifesta.

Lusverti, coordinador general di Amnistia Internacional di Venezuela, ta recomenda warda riba e declaracionnan di parti di e fiscal general Tarek William Saab pa sa si e relacion lo por bira hostil of no.

Liliana Ortega, defensora di derechonan humano y directora fundadora di Cofavic, ta considera cu e Fiscalia di CPI mester percura pa busca tur e fuentenan posibel cu lo hiba nan na conclui e investigacion ariba presunto crimennan di lesa humanidad.

“E no metser balora solamente e in-

formacion cu e ta ricibi for di e Estado of solamente di e victimanan. E mester confirma cu diferente fuente pa e establecimiento di e berdad y husticia. Esaki ta practica regular di cualkier organismo internacional y mester ta tambe asina di e organonan nacional,” Ortega a indica.

San Miguel y Lusverti, di nan banda, ta di acuerdo cu e ta probable cu e Sala de Cuestiones Preliminares di CPI lo autorisa e continuacion di e investigacion ariba Venezuela.

“E gobierno Venezolano ta haci hopi malo cu e comunicadonan enbes di manda argumento- y documentonan huridico pa tin un discusion huridico tocante si ta cumpli of no e extremonan di e tratadonan internacional,” Lusverti a conclui.

Den medio di atakenan contra Drag Show hopi ta puntra nan mes ‘dicon?’



(AP) - “Si mi no lo a ta un muhe, mi lo a bira un ‘drag queen’.” Esakinan ta palabranan cu Dolly Parton a yega di expresa y hopi biaha. Sinembargo si berdaderamente e lo a bira un ‘drag queen’, un di Tennessee su yiu nan mas famoso lo a keda sin trabao bao legislacion nobo cu e gobernador Republicano Bill Lee a firma riba diahuebs.

Lee a firma legislacion sin a duna un declaracion of ceremonia publico. E proposicion ta drenta den efecto dia 1 di juli.

Rond id e pais, activistanan conservativo y politiconan ta keha cu drag ta contribui na e “sexualisacion” di muchanan. Varios estado ta considerando restriccionnan sinembargo ningun a tuma accion mesun lihe cu Tennessee pa sigura cu muchanan no keda exponi na drag. E esfeursonan aki ta busca manera di disminui ‘drag story hours’ cual ta momentonan unda e ‘drag queen’ ta lesa pa muchanan.

Organisadornan di eventonan di LGBTQ ta bisa cu Nan paradanan ta hopi menos yamativo. Y esunnan cu ta boga pa esaki ta nota cu e proposicion, promovi hopi pa e republicanonan ta abruma negoshinan na un manera cu no ta republicano.

E protestanan a cuminsa diripiente rond di un tipo di entretenimento cu tin hopi tempo cada den e escenarionan Mericano. Milton Berle, yama tambe “Mr. Television”, tabata haci aparicionnan den bistimento ‘drag’ den aña 1950. “RuPaul’s Drag Race” ta un fenomeno cultural sumamente conoci. Tambe tin brunch cu ta ser organisa cu ta sumamente popular y ta trece hopi ganashi pa restaurantnan. Cu e tipo di spectaculonan aki awo ta ser mira como un peliger pa muchanan ta sosprendente pa e personanan cu ta studia, aprecia y biba den drag.

“Drag no ta un menasa pa ningun hende. E no tin sentido pa criminalisa drag den aña 2023,” Lawrence La Fountain-Stokes, profesor di cultura y estudio di genero na University of Michigan y autor di Translocas: The Politics of Puerto Rican Drag and Trans Performance a comenta. “E ta un espacio unda hende ta explora nan identidad,” el a agrega. Pero tambe e ta un luga unda hende simplemente ta genera ganashi. Drag

ta un trabao. Drag ta un expresion legitimo artistico cu ta uni hende, e ta entretene, y ta permiti cierto individuo explora ken nan ta y ta permiti nos tur pasa un bon tempo hunto. E no tin ningun tipo di sentido ni logica pa e legisladornan, pa hende den gobierno, purba prohibi drag.”

Drag tipicamente no ta involucra ta sunu ni kita paña, cual ta mas comun den e arte separa yama ‘Burlesque’. Lenguahe sexual y inadecua ta comun den presentacionnan of shownan di drag sinembargo e tipo di contenido aki ta ser evita ora cu muchanan ta e audiencia. Na shownan cu ta pa adultonan, e personanan cu lo presenta tipicamente ta duna un advertencia di e cosnan explicito of inapropia pa cierto edadnan.

E palabra ‘Drag’ no ta aparece den e proposicion. Na su luga, e ta cambia e definicon na ‘cabaret adulto’ den Tennessee su ley pa nifica “presentacionnan dirigi na adultonan cu ta dañino pa menornan.” Tambe esaki ta bisa cu “personanan cu ta imita hende muhe of hende homber” tambe ta cay bao di e categoria aki, conhuntamente cu bailarinnan exotico, bailarinnan cu ta baila sin top y strip-pernan.

E proposicion ta prohibi e cabaret adultonan aki for di propiedad publico of cualkier luga unda menornan posiblemente por ta presente. Tambe esaki ta menasa di acusa criminalmente e personanan cu duna e show.

E proposicion a causa preocupacion cu esaki lo ser usa pa ataca hendenan cu ta transgenero, sinembargo e sponsornan ta bisa cu esaki no ta e intencion.

Tennessee Pride chamber ta premira cu “aplicacion y vigilancia selectivo” lo causa desafionan den corte y “gastonan masivo” mientras gobiernonan ta defende un ley inconstitucional cu ta dañá e estado su reputacion.

“Turismo, cual ta contribui di manera significativa na nos estado su crecemento y bienestar, posiblemente lo sufri boycott di manera desproporciona cu lo afecta nos cuminidad cu ta traha den restaurantnan di Tennessee, arte, y e industrianan di hospitalidad,” President Brian Rosman a skirbi den un email cu a manda na The Associated Press.



Prome Minister Evelyn Wever-Croes a bishita nos grandinan na cas di cuida Jaburibari

Den cuadro di “Dia Internacional di Hende Muhe”, Prome Minister Evelyn Wever - Croes ta haciendo diferente bishita na organisacionnan y instancianan rond Aruba. Recientemente Prome Minister a realisa un bishita na Jaburibari na Stichting Thuiszorg Aruba, caminda a combersa cu e habitantenan y e trahadonan y a gradicinan pa e trabou grandi cu nan ta haci.

Henter e ekipo di trahado na e cas di cuida ta consisti di hende muhe. E trabou cu e hende muhenan aki ta haci ta asina grandi y importante cu e ta dificil pa pone un balor na dje. Prome Minister



Wever - Croes den nomber di Gobierno di Aruba y henter Aruba, a gradicinan pa e trabou cu nan ta eherce. Despues di Covid hopi cos

a cambia na Aruba y e cas di cuida tambe a sinti esey. Aworaki tin menos voluntario ta bishita e grandinan, mientras cu antes tabatin vol-

untarianan cu ta canta, resa y pasa tempo cu e grandinan. Prome Minister Wever - Croes ta haci apelacion na henter Aruba pa si bo tin un

tempo liber un rato, pa bishita e cas di cuida y pasa un rato agradabel y haci algun actividadnan cu nos grandinan, pa nan tambe por distrai nan mes.

“Nos grandinan a duna hopi di nan bida pa Aruba y nan a construi e pais aki cu nos por lanta aden y lanta nos yiunan aden na paz, den tranquilidad y cu libertad. Ban duna nan bek e amor y cariño cu nan tin mester.”

Riba Dia Internacional di Hende Muhe, Prome Minister ta desea cada ser femenino specialmente nos grandinan, pabien y danki pa crea e Aruba aki cu awe nos ta gosa di dje.

Russo Real Estate Solutions a habri su porta pa pueblo di Aruba

Diaranson atardi dia 1 di maart a tuma luga e ‘grand opening’ di Russo Real Estate Solutions, unda cu a celebra e habrimiento di porta di e negoshi nobo aki cu ta enfoca riba servicio di acomodacion na Aruba.

Durante e celebracion, e doño di Russo Real Estate Solutions, Julie Nelson, hunto cu su socio Abraham Jones, a corta cinta biña dilanti nan porta pa simbolisa e cuminsamento di nan aventura den e mundo di real estate.

Nelson, ken a nace y crece na Michigan, Merca, a traha den industria di cuminda como

un vice-presidente di obtencion pa Lipari Foods, cual ta un distribuido di cuminda na Merca. Na 2019, e compania e yega un ganashi di 1 biyon dollar anualmente pa prome biaha. Na februari 2020, Nelson a bishita Aruba pa prome biaha y a keda encanta cu e isla. Desde december 2020, Nelson a bishita e isla 15 biaha mas.

Den su speech el a expresa cu su meta pa Russo Real Estate Solutions ta pa provee ayudo y conseho pa personanan interesa pa cumpra of rent acomodacion. Tambe nan lo ofrece servicio na personanan cu ya caba tin acomodacion riba e isla.

Julie Nelson, ken ta funciona como e managing director di e empresa, a expresa su gratitud pa e ayudo y aporte di su compañeronan, incluyendo su socio y general manager di e negoshi Abraham Jones y operations manager Lourdes Geerman. Tambe el a duna danki na e organisado di e evento y su consehado Marieta, ken a yud’e den ful e proceso aki pa logra su soño di lanta negoshi na Aruba. Pa finalisa, el a gradici tur hende presente na e celebracion special aki.

Russo Real Estate Solutions ta situa na Caya Taratata 11 den e edificio di Max Torque.



LIMITED TIME DEAL

Microsoft Surface Go 2

- Laptop and tablet in one design
- 10.5 in. touchscreen display
- Up to 10 hrs battery life
- Enhanced dual studio mics
- Up to 8th Gen Intel processor

Pen & keyboard included!

GET IT NOW!

AFL **17.95** /week

*This is a rent to own transaction. You don't own the product until all rental payments are completed. Example: AFL 17.95 x 12 months= AFL 933.40. See store for details.

NO CREDIT CHECKS

SHOPDIALRTO.COM

CUMANA 74 | 582-RENT

DIAL *Rent-to-Own*

Skirbi pa Lisette M. Malmberg

“Bida den Comunidad”

Kico kemen pa biba den un comunidad berdadero, si comunidadnan ta consisti di asina tanto diversidad di hende, opinionnan, creencianan, puntonan di bista, y perspectivanan?

Con nos por crea un cultura den e diversidad aki cu ta inclusivo, pero toch ta provee espacio pa e expresion di e creencia di cada persona sin ataca, menosprecia, intimida, of huzga?

Mi a tuma nota di e discusion cu ta un punto central di friccion den e dianan aki, cual ta e caso di matrimonio di mesun sexo. Ambos banda di e caso tin creencianan fuerte, y conviccinnan di bida y a demostra esaki cu hopi pasion den diferente maneranan den nos Medionan di Prensa y Medionan Social, diferente biaha bayendo bek na acusacionnan personal, atakenan y esun brongosando e otro. E forma cu nos ta comportando y comunicando ta bisa hopi mas di nos como persona, cu di e tema den cuestion.



Aunke cu e situacion aki ta uno complica, cada banda tin derechonan legal cu mester wordo respeta.

Locual no ta aceptabel, ta e manera cu nos ta deshonra otro den e proceso di e expresion di nos creencianan. Na e momento cu nos enfoka ta pa “gana” un argumento of pa tin “rason” sin considera kico e lo costa, nos TUR ta perde,

pasobra relacionnan ta kibra, nos comunidad ta polarisa y dividi y nos ta perde bista for di e Ley di Oro, cual ta pa nos trata otro manera nos kier wordo trata, of e Gran Mandamento cual ta urgi nos pa stima otro manera nos ta stima nos mes.

Mi speransa di mas ferviente ta pa nos por yega na un luga di madurez como sociedad

caminda nos por respetuosamente ta di acuerdo pa ta den desacuerdo, mientras nos ta reconoce e dignidad di cada persona den e manera cu nos ta comunica cu, y tocante otro.

Nos ta aki hunto riba e pida baranca cu yama Aruba, pa crea un hogar pa nos tur, un luga safe, un luga caminda nos por pertenece, un luga

caminda nos por biba y prospera na paz. Aruba, nos por y mester haci miho. Nos yunan ta mirando y siñando... Laga nos pone un ehempel di liderasgo den gracia y humildad cu ta siña nan kico e kemen pa biba den comunidad y pa TA un comunidad.

Un Ciudadano Preocupa
Cu amor, semper.

Skirbi pa Robert Arends

Kico ta gastonan real di school?

No por sigui laga gastonan di educacion (school) worde determina door di maestro/sindicato so, door di schoolbestuur so of door di Gobierno so. Gobierno su rol den e asunto aki mester ta: limita gastonan mas cu por pa scapa pagado di belasting y pa para malgastamento di placa den enseñansa.

Tin mucho “gritería” cada bes cu falta placa pa enseñansa y esey mester stop pasobra - ban ta serio - nunca placa lo ta suficiente pa ningun hende (ni Gobierno ni Schoolbestuur ni Sindicato/Maestro : PUNTO !)

Mester yega na un acuerdo fijo entre Gobierno , schoolbestuur y sindicato/maestro , “KICO” (no cuanto !) ta exacto e loke cu pagadornan di belasting tin cu carga , kico ta exacto e loke cu mayornan/alumnonan tin cu carga y kico ta exacto e loke cu schoolbestuur (via sponsor) tin cu carga.

E “KICO” cu Gobierno (pagador di belasting !) tin cu



paga , cu mayor/alumno tin cu paga y cu schoolbestuur (via sponsor) tin cu carga , mester ta igual pa tur sorto di school na Aruba.

SUGERENCIA (pa mancha cu menos gasto):
- determina un mínimo cantidad di alumno pa “klas” y pa cada sorto di school ; no por habri klas nobo si no tin un mínimo cantidad di alumno , ademas mester ta “willing” pa combina klas di diferente schoolbestuur y di Gobierno cu otro pa logra e mínimo cantidad di alumno necesario

den cada klas na un of otro school.
- Gobierno mester cuminsa paga schoolbestuur a base di cantidad di alumno pa cada sorto di school y klas.
- pa loke ta maestro , mester zorg pa duna tur maestro tambe e maestro cu prepara-

cion special (cierto vak) un trabao “fulltime” na un of si ta necesario na mas cu un school den su vak.

- Gobierno mester considera , como responsabel financiero , pa ta e unico instancia na Aruba encarga cu tumamento y pago di maestro y tur otro empleado , den deliberacion cu e schoolbestuur nan.

- UN instancia , di Gobierno y schoolbestuur hunto , mester ta encarga cu compra di tur material pa e school nan na Aruba y no Gobierno so of cada schoolbestuur so.

- Gobierno mester acorda e programma general minimo pa cada sorto di enseñansa lagando espacio chikito habri pa schoolbestuur/school/maestro yena cu un propio “input” pa completa e programma.

En general mester pensa pa considera tambe pa elimina/limita gastonan riba cuenta di enseñansa pa asuntonan social y pa gym/natacion na school nan y pasa e asuntonan ey pa bario y pa clubnan di deporte !

Pa pensa ariba sin miedo.

Resultado preliminar di accion di recolecta armanan di candela

Containernan blauw habri entrante 4 di maart pa entrega di tur sorto di arma

Ministerio Publico y Cuerpo Policial di Aruba a tene na November y December 2022 un accion pa recolecta arma di candela ilegal, caminda personanan por a entrega armanan di candela sin core riesgo di wordo persigui despues.

Cu e meta aki a pone containernan special color blauw na warda di polis na San Nicolas y na Oranjestad.

Hendenan a haci bon uso di e oportunidad aki. En total a entrega 8 arma, di cual 3 ta pistol, 3 ta revolver y 2 ta arma di presion di gas (BB-guns). Un BB-gun ta sirbi pa menasa hende y p'esey cu nan tambe ta prohibi.



Ademas a entrega mas of menos 500 pida municion.

E containernan blauw den cual e armanan por wordo entrega ta para na e mes lugar na warda di polis na San Nicolas y Oranjestad. Si tin personanan lesando e relato aki cu kier laga un

arma, parts di un arma of balanan den e container na San Nicolas of na Playa sin cu esey tin castigo, anto ta keto bay posible.

E containernan lo wordo habri di nobo riba diasabra 4 di maart venidero y lo keda habri te cu 4 di

juni 2023. Durante e periodo aki lo ta posible pa entrega otro tipo di arma tambe, manera por ehempel cuchunan, machetenan, skin-ups y pepperspray.

Na inicio tabatin ainda e cuestion cu tin camara dirigi riba e containernan, pero

mientrastanto tur hende sa cu a kita e camaranan. Bo persona por anonimamente entrega arma of municion. Ministerio Publico y Polis ta haci un biaha mas un yamada urgente na personanan cu tin arma na cas of cu tin conocimiento di un arma, pa bin entrega esaki. Banda di armanan di candela, ta ricibi awor tambe cuchiu y otro tipo di arma. Peticion di polis ta pa entrega e armanan di candela paketa pa evita mal entendimentonan y accidentenan. Otro tipo di arma no mester wordo paketa.

Cu entrega di arma y balanan, Aruba ta birando mas safe. Ban nos tur pone di nos parti pa tene nos isla un lugar hopi safe.

Paga bo boet

Ministerio Publico a recientemente cuminsa traha cu un programa nobo pa cobra boet di trafico. E programa aki yama Paga bo boet (Pbb).

Polis tambe ta forma parti di dje via un conexion directo cu nan sistema yama ACT-pol. Di awor pa dilanti tur boet cu polis duna den trafico lo drenta mes ora cerca OM. Esey ta haci cu cobramiento di boet lo bay mucho mas rapido cu antes.

Simultaneamente polis lo cuminsa traha tambe cu un version nobo di e boet di trafico. Entrante prome di maart 2023 polisnan lo ta trahando cu e boet nobo aki.


Na idioma Hulandes e boet aki yama un oproepingsprocesverbaal of un opv. E opv cu e ciudadano lo haya den su man di awor pa dilanti, ta contene mucho más informacion, tanto pa polis como pa e ciudadano mes.

Riba e opv lo ta menciona tanto e suma di e boet, como un asina yamá opv-nummer. Ora di duna e boet, polis lo yena e hoki cu e suma correspondiente. E opv-nummer ta bin para mas ariba di e formulario y ta bay cuminsa semper cu e cifranan 297.

Esaki ta significa cu e ciudadano lo no tin mester cu warda mas pa haya un carta

na cas di Ministerio Publico pa haya sa con halto su boet ta pa asina por pague, manera tabata e caso antes. E mes por wak riba e opv cu el a haya den su man di polis kico e suma di su boet ta y kico su opv-nummer ta.

E ora facilmente e por paga online of na balie di Ministerio Publico. Paga online por via cuenta bancario 4000905 na Arubabank bao mencion di e suma di e boet y e opv-nummer. Na balie di Ministerio Publico (Rumbastraat 29 na Camacuri) por paga despues di haci un afspraak riba www.omaruba.com. OM no ta tuma mas pagonan cash. Riba diabierna balie ta



cera pa publico.

Riba e opv ta para tambe un asina yamá oproepingsdatum. Esey ta e fecha riba cual e ciudadano cu a haya e boet

mester presenta dilanti huez di trafico. Polis ta pone e fecha aki duidelijk riba e opv. Si e persona paga su boet na ora, anto su cita pa presenta dilanti huez ta bin na caduca.

BCI: Ainda tin pallet, trailer y bloki riba ruta di carnaval

Bureau City Inspector a haci control ariba e ruta di carnaval. Ainda a constata trailer, pallet y bloki cu a keda atras y ta un mahos bista.

Dialuna mainta un team di BCI a haci control ariba e ruta di carnaval y a bin constata diferente trailer ainda ariba ruta di carnaval. Riba

ruta di Vondelaan, ta ruta cu mas a keda cu Trailer, Pallet na kavel 40 y bolki di DOW.

Den L.G.Smith BLVD si nos por bisa cu a keda limpi, pa-

bien na tur esnan cu a para ariba L.G.Smith BLVD y tambe esnan cu a para pazuid di Colegio Arubano pa rotonde las America. BCI ta spera cu otro aña tur cu bai

wak carnaval por laga e luga cu nan para limpi.

Corda cu Aruba di di nos Rubiano y ta nos tin cu cuida nos Isla y mantene limpi y bunita!



Senadornan Republicano: Placa pa chip di computer ta sosteniendo agenda ‘woke’

(AP) — Senadornan Republicano ta acusando administracion di Biden di usa \$39 biyon destina pa contrui fabricanan di chip di computer pa pusha ideanan “woke” manera rekeri pa algun recipiente ofrece cuido di mucha y curasha e uso di sindicato.

E administracion a bisa cu e elementonan aki di e guianan pa fondo anuncia diamars ta bay mehora e probabilidad di atrae companianan pa construi e fabricanan di semiconductor y hende pa traha eynan – un reto clave cu por determina e exito di e programa. Ta mira e guianan como un punto di salida pa traha cu companianan cu ta sigura balor pa pagadonan di belasting.

E tension ta un ehemplo di e desconfianza partisano cu por lanta na Washington hasta riba un punto di agenda cu legisladornan di ambos partido ta bisa ta vital pa seguridad nacional Mericano. Republicanonan ta bisa cu e admin-



istracion, den implementa e ley, ta purbando di pusha prioridatnan cu ta complace e base Democrata. Nan tambe ta argumenta cu e guianan ta bay aumenta e costo di construccion di plantanan di semiconductor y lo afecta cualkier sentido di confiansa.

Pero oficialnan di e administracion ta bisa cu e guianan por yuda adresa dos reto fundamental den e plannan di gobierno pa transforma Merca den e lider mundial den produccion di chip di computer avansa: e companianan mester labor cualifica y nan

mester innovacionnan cu por reduci costonan di produccion.

Si e inversionnan ta bay ta exitoso, segun Secretario di Comercio, Gina Raimondo, e companianan mester haya y train diesmiles di trahador,

desde welder te ingeniero electrico. Mas importante, e industria mester desaroyonan cientifico pa reduci e costo di traha chip na Merca pa competi cu Asia, Raimondo a bisa. E placa pa e fabricanan ta bin di e CHIPS and Science Act cu presidente Joe Biden a firma haci ley na augustus ultimo. E ta inclui \$11 biyon pa investigacion ademas di e \$39 biyon pa construi fabricanan di chip di computer avansa. Incentivonan di impuesto ta hiba e inversion total na \$52 biyon.

Chipnan ta circuitonan integra cu ta pega den e semiconductor, un material – notablemente silicon – cu por maneha e fluho di coriente electrico. Hopi biaha ta usa e terminonan “chip” y “semiconductor” intercambiabilmente.

Ta usa chipnan di computer den tur cos, desde auto te co’i hunga y armanan avansa, haciendo nan mesun fundamental pa e era digital como hero y steel tabata den era industrial.

3 persona a ser gara den caso extenso di extorsion online

(NLTimes) - Cuerpo policial Hulandes a aresta 3 hende homber na Hulanda kendenan ta sospechoso di a hack e sistema di computer di organisacionnan, extorcionando nan maneho, haciendo menasa y traficando data horta.

Data priva cu ta pertenece na miyones di persona a ser horta, incluyendo miyones di persona na Hulanda. E sospechosonan a causa daño den balor di miyones di euro, cuerpo policial a acusa. E data horta ta inclui nomber, adres, number di telefon, fecha di nacimiento, number di cuenta di banco, number di tarheta di credito, password, number di nummerplaat, persoon-nummer y informacion di paspoort. Tur tipo di organizacion a keda afecta, incluyendo agencianan di rednan social, tiendanan online y institucionnan di educacion y training ademas di negoshinan den hospitalidad y companianan di programacion. Den algun caso, e victimanan mester a paga te hasta 700,000 euro.



Un hoben di 21 aña di Zandvoort a ser identifica como e sospechoso principal y aparentemente tabata trahando cu un hoben di 21 aña di Rotterdam. Nan ta deteni den custodia restringi y no ta permiti tin contacto cu ningun persona cu no ta nan abogado. Un hoben di 18 aña sin adres tambe a keda aresta na Naaldwijk, cuerpo policial a bisa. Nan a keda deteni dia 23 di

januari segun cuerpo policial. Pa causa di e restriccionnan den nan contra y pa mantene e integridad di e investigacion, e arestonan no por a ser anuncia prome cu diahuebs.

E homber na Zandvoort a ser gara cu 550,000 euro den bitcoin y 45,000 euro den cash. Aparentemente el a laba 2.5 miyon euro cu bitcoin segun RTL Nieuws.

Nan aresto ta relaciona cu e aresto di un hoben di 25 aña na Almere aña pasa. Tambe el a ser deteni cu cargonan di crimen cibernetico despues cu el a ser gara cu data di Gebühren Info Service GmbH, cual ta traha den Austria. E data horta ta hopi probabel di a inclui e informacion di tur residente na Austria, cual hopi probablemente a ser

horta y ofreci pa benta, segun cuerpo policial.

Cuerpo policial di Amsterdam su ekipo di crimen cibernetico a lansa un investigacion anuncia diahuebs casi 2 aña pasa despues cu un compania Hulandes grandi a reporta robo di dato. E compania a bisa cu tambe nan a ricibi menasa, “durante e curso di e investigacion, el a keda cla cu probablemente miles di compania y institucion ambos grandi y chikito, ambos nacional y internacional, a cay victima di intrusion di computer den añanan recien y robo tambe,” cual a resulta den e benta di e datonan aki. “Miyones di data personal sensitivo a cay den man di criminalnan como parti di robo y trafico,” cuerpo policial a bisa.

Na momento cu a ricibi acceso na e data. E organizacionnan a ricibi miles di menasa via email, cu un intento di extorsion demandando un pago den bitcoin. E sospechosonan ta menasa cu lo destrosa e organizacion su infraestructura digital of haci e data horta publico si no cumpli cu nan demanda.

SV Britannia ta derota Riverplate na Compleho Deportivo Frans Figaroa

Siman pasa, SV Britannia a enfrenta Riverplate den Compleho Deportivo Frans Figaroa na Noord. Durante un wega yena cu emocion, Britannia ta bolter e wega y sali victorioso.

Na minuut 22 den un hugada na mita di tereno di Britannia, Riverplate ta ataca pero Pieter ta recupera e bala y ta haci un pase largo entre e liña

di defensa di Riverplate, di e forma aki ta asisti Vielma lagando esaki su so cu e portero di Riverplate y Vielma ta bati e portero y ta anota e prome gol pa Britannia.

Na minuut 71 Rua ta haci un pas'e pa Coco cual tabata riba liña. Coco ta lora e bala pero e defensa di Riverplate ta rechasa e bala y e rechas'e ta cay den pia di Rua y esaki ta los un tiro anotando e di 2 gol di



Britannia

E gol final ta tuma lugar na minuut 77 caminda un biaha mas Rua ta gana un bala den propio tereno di Britannia y ta wak Vielma coriendo den

bashi. Di forma aki ta asisti Vielma cual ta laga 3 defensa di Riverplate atras y esaki ta haya espacio necesario pa los un tiro y anota e ultimo gol di e wega aki.

Wega ta finalisa cu un score di

3 - 1 na favor di Britannia. Siguiende wega di Britannia lo tuma lugar diasabra 4 di Maart 8:30pm na Compleho Deportivo Frans Figaroa. Britannia lo enfrenta ekipo di Nacional.

Sesosport na Club Universal



Club Universal ta organisa un evento di Sesosport cuminsando dia 4 di maart awo y cual lo tin un premio di 1000 florin pa e ganado absoluto.

Den aña 2022 diferente evento di Seso Sport a tuma lugar den club di SV Universal na Pos Chiquito. E demanda pa e evento aki a sigui crece. Awo ta bay tin e prome competencia grandi cu ta consisti di diferente ronde.

E evento ta consisti di 4 ronde unda cada biaha ta saca dos grupo cu ta bay pa e gran final

cu lo tuma lugar riba prome di april. E rondanan clasificatorio lo tuma lugar riba 4, 11, 18 y 25 di maart.

Cada grupo por consisti di maximalmente 5 persona y inscripcion ta costa 100 florin. Si bo ta sinti bo mes cla pa enfrenta e reto aki, forma bo grupo y inscribi pa participa na tel. 560-1969.

Tur e eventonan di clasificacion ta tuma lugar riba diasabra di 7or pa 10or di anochi. Registra pa bo no keda afo y corda prepara bo team di apoyo.

Seleccion femenino di softball a biaha pa St. Johns pa ECASC



Diadomingo mainta, Minister Endy Croes a pasa aeropuerto internacional Reina Beatrix pa desea nos seleccion di softball femenino hopi exito den e torneo di English Caribbean Amateur Softball Confederation (ECASC).

E campeonato ta tuma lugar di

1 pa 6 di maart na St. Johns. Un total di 6 ekipo di British Virgin Islands, Curaçao, Jamaica, US Virgin Islands, Sint Maarten y Aruba ta participa na e torneo aki. E competencia aki ta uno hopi importante, ya cu e ekipo cu gana medaya di oro automaticamente ta clasifica pa Juegos Centro Americano y Del Ca-

ribe 2023 cu ta tuma lugar na juni proximo.

Aruba su prome wega ta contra di nos isla ruman Curaçao. Minister Endy Croes ta desea nos seleccion nacional hopi exito, boso deseo, cu disciplina, dedicacion y determinacion boso ta logra! Exito.

A menasa Lionel Messi despues cu a los tiro na supermercado di su suegronan

(TMZ) - E supermercado di e suegronan di Lionel Messi a cay victima di 2 hende homber cu a los por lo menos un dozijn di tiro dentro di e tienda na Argentina, prome cu a manda un menasa na e leyenda di futbol bisando "Messi, nos ta wardando bo."

E supermarket Unico ta localisa den Rosario, Argentina, cual ta mas o menos 200 miya for di e capital, Buenos Aires y ta propiedad di e mama y tata di Lionel su casa Antonela roccuzzo. Un dia normal di compras a keda interumpi diahuebs ora cu dos asaltante a yega dilanti e sitio

riba brommer den dia, cu un di e hombernan bahando di e brommer y a los tiro segun e testigonan.

Milagrosamente y afortunadamente ningun persona a keda herida, aunke e propiedad a sufri algun daño. E parti mas preocupante ta cu despues di e tironan cu a los na e sitio, e hombernan a laga atras un nota pa e campeón di e Copa Mundial bisando "Messi, nos ta wardando bo. Javkin tambe ta traficante di droga, e no ta bay cuidabo."

Javkin ta e alcalde di Rosario, Pablo Javkin.

Poco despues di e incidente violento, e alcalde Javkin a presenta na e sitio y a critica argentina su polis nacional pa e fracaso di controla crimenan relaciona cu droga. Oficialnan local tambe a papia na e sitio, y apesar di e menasa sumamente serio nan a bisa cu esaki posiblemente ta solamente un intento pa "yama atencion."

Apesar di e situacion preocupante, Messi no a demostra preocupacion mirando cu el a presenta na su practica na Saint-Germain F.C. riba diahuebs, unda Lionel a subi veld conhuntamente cu su compañeronan den e ekipo.



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Minister Glenbert Croes (MEP):

Pronto Aruba lo conoce un rebaho den prijs di awa y coriente



Diamars mainta, durante conferencia di prensa, Minister di Energia Glenbert Croes a informa comunidad di un solicitud cu su persona a haci na e companianan estatal, WEB, Utilities y Elmar, pa bin cu un proposicion pa cu rebaho den e prijs di awa y coriente. "Comunidad completo por tin mi compromiso, como Minister di Energia, cu awa y coriente lo baha back," Minister di Energia a comenta.

Minister Croes a indica cu el a papia di e tema aki caba cu Minister di Economia Geoffrey Wever y tambe cu e otro ministernan durante reunion di Consejo di Minister.

Tambe Minister Croes a expresa cu gobierno ta comparti e preocupacion cu tin den comunidad pa cu

e necesidad pa baha e prijs di awa y coriente y p'esey su persona a solicita un proposicion pa baha e prijs lo mas hopi posibel. Unabes e proposicion ta cla y e rebaho aki por wordo realisa, Minister Croes lo comunica esaki na gremionan sindical, comercial y comunidad en general.

"Comunidad completo por tin mi compromiso como Minister di Energia cu awa y coriente lo baha back. Nos ta warda e proposicion di e companianan estatal pa wak con nos por haci esaki di un forma responsabel y den un tempo corto mirando e urgencia di e situacion. Loke ta dolor den bo cartera, ta dolor na cas y ta afecta bo yiunan y famia. Nos como gobernante mester busca tur opcion pa trece alivio mientras ta posibel di inmediato." Minister Croes a indica.

Max Robert, Presidente Partido Curpa

Un conseho no pidi

Nos kier a trece un par di punto dilanti cu nos ta kere cu e pueblo di Aruba tin derecho di opina ariba esaki. Hecho ta cu tin un debate andando den medionan di comunicacion ariba e tema di matrimonio di mesun sexo entre un grupo di pastooran y un grupo di LGBTQ+ cu tin como miembro, parlamentario, hues, politico, empresario y amistadnan local y internacional.

Loke ta yama hopi nos atencion ta cu a tarda pa atende cu e problematica aki ya cu pa basta aña nos a trata di informa e pueblo di Dios y e pueblo di Aruba henter ariba e tema delicado aki, te asina leu cu ora Sra. Evelyn Wever Croes a saca e amienda 7 for di bari di sushi, un grupo di evangelico, un grupo carismatico y un grupo di pastoor cu nan carnenan a subi caya y a protesta, esaki a duna como consecuencia cu e amienda 7 a wordo poni bek den e bari, y Sra. Evelyn Wever Croes na su turno, mes a sali pidi disculpa na su hendenan y bisando cu mientras cu e ta na poder, e ley aki no lo pasa.

WEL WEL awe nos por wak cu su mes un partido a trata e ley di amienda 7 (gereg-

istreerd partnerschap/ bou capa di matrimonio di mesun sexo) esaki den parlamento y cu e la pasa cu mayoria den voto, asina habriendo porta pa loke ta pasando awe. Si e tempo ey un parlamentario di Partido geel so a bay Gobernador y distancia su mes for di e Partido geel, e ley aki nunca a pasa.

E pregunta cardinal ta, unda e grupo di pastooran aki cu a sali den prensa den e ultimo simannan atras tabata, cu nan no a subi caya e tempo ey? Dios a permiti un barco cu 5000 gay abordo baha na Aruba y haci nan fechorianan, pa asina logra saca e grupo di pastooran aki for di nan comfortzone y subi caya. Loke ta di admira. Lo ta bon tambe pa e grupo di pastooran aki haci uso di nan derecho constitucional pa keha e grupo aki na Openbare Ministerie pa nan actonan condenabel cu nan a trece den medionan di comunicacion esta: discriminacion, insultonan den publicidad contra miembronan di un of mas iglesia local yamando nan secta, taliban, tambe ta tin valse beschuldiging den publicidad over di belasting ontduiking, opruiing (lanta grupo di hende pa haci actonan condenabel na e grupo, y tambe

trece odio (haat) ariba e pastooran aki. Dje manera aki e grupo LGBTQ+ lo pensa dos biaha prome cu nan sali den media y trece nan insultonan baho dilanti of haci cu-alkier otro delito cu ta strafbaar den un pais cu estado di derecho.

Nos di Partido Curpa no ta kere cu e grupo religioso aki mester sinta y debate cu e grupo aki ariba un tema cu ta done deal. Loke tin di haci ta laga esnan yama pa atende cu e asunto aki politicamente y sostene nan den oracion y formacion y naturalmente den voto. Y pidi Dios sabiduria pa atende cu e problema aki, Tin asina hopi problema ariba e pais aki y nos enfoka ta ariba cosnan cu na su tempo lo wordo atendi debidamente.

Nos mester corda cu tur ley cu wordo skirbi ariba papel por wordo destrui. Pa logra esaki mester pone un Partido na mando cu minimo 7 asiento of mas, cu tin e curashi pa reforma e leynan existente pa medio di un referendum, cu lo limita e poder di un ministro y pone e poder bek den man di un parlamento husto y responsabel, no un parla-

mento cu ta jaknikker.

Nos ta den tempo cu cada ciudadano di e pais aki mester scoge pa nan mes kico nan kier y kico nan kier logra como persona den nan mes un cas y con nan lo por contribui cu esaki. Nos di Partido curpa no ta kere cu e Arubiano ta bobo mas bien pa añanan caba nan a wordo tuma di haci y awor ta e tempo pa wak ken ta ken.....No laga un partido politico of un iglesia of familiarnan bisa bo pa ken bo vota y tampoco laga bo wordo manipula cu un carchi di partido den bo cartera of yamadanan di telefon ariba bo cumpleaños, si nan

mes no ta trece un regalo pa bo of yena bo frigidaire, tur esaki nan ta haci pa mara bo y haci bo esclavo di nan. Un modus operandi psicologico. A bira tempo pa abo como pueblo pensa pa bo mes, bo famia y bo pais tuma curashi y para pa famia, husticia, y bienestar economico, y e unico partido cu ta para tras di esaki y contra metemento di Hulanda cu nan agenda diabolico SDG 2030 ta y ta keda Partido Curpa.

Cerca nos, e famia manera Dios a crea ta central. **Sin un famia cu ta procrea no tin futuro pa un pais progres.**



Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Parlamentario Alvin Molina (MEP):

Seroe Colorado merece di haya su “fair share” den desaroyo di nos pais.



Hunto cu Minister Dangui Oduber, DOW y contratisa CVC nos a bishita Baby Beach pa mira e ultimo desaroyonan pa cu Fase 2 di e proyecto cu ta consisti di construccin di un area di parkeerplaats, iluminacion y construccin di un rotonde nobo.

Ta premira cu fase 2 ta wordo entrega den luna di april di e aña aki. Despues ta continua cu fase 3, unda cu lo renoba

e dos cancha di tennis y traha riba un cancha multi-funcional cu por wordo uza pa beach tennis, beach volleybal y beach futbol. Pa fin di aña aki, e proyecto di Baby Beach ta keda finalisa. E proyecto aki sigur ta eleva e area rond di e beach di San Nicolas y producto Aruba.

E proyecto ta tardando mas di loke nos ta desea, door di e pandemia e proyecto a haya un “setback”. Baby Beach



ta un proyecto bunita, importante y necesario pa San Nicolas y Aruba. Mi ta gradici e comerciantenan local di Colony e.o. Big Mama Grill, Kamini's Kitchen y Rum Reef cu semper a percura pa brinda un excelente servicio den e area aki.

E proyecto di Baby Beach ta necesario, si nos mira e direccion unda e area aki ta bayendo. San Nicolas merece e desaroyonan cu ta andando manera por ehempel hotel

Secrets cu lo keda cla na final di 2024. Ainda falta mas pa haci uzo di e potencial maximo cu e area aki tin pa ofrece. Manera e.o. ex-Esso Club cu mester wordo desaroya pa condominio, e proyecto di Serena cu ta para pa basta aña, tereno di refinaria cu riba corto plaso mester tuma un decision kico ta bay pasa cu ne y hopi casnan verwal. Ministernan concerni ta trahando riba e puntonan menciona. Di mi parti mi lo sigui monitor e desaroyonan y keda den

contacto estrecho cu e mandatarionan.

Desaroya di e area aki ta importante pa turista, pero nos mester percura cu nos hendenan local tambe por sigui gosa di e bendicion cu nos tin na e parti aki di Aruba. P'esey ta bon cu e parkeo y e beachnan ta wordo amplia. Mi ta gradici Minister Dangui Oduber pa su vision y, hunto cu DOW/DIP y CVC, pa realisacion di e bunita proyecto di Baby Beach.

Sra. Aquannette Gunn (MAS)

Nos adultonan mayor ta central?

Dia 15 di februari nos fraccion a dirigi un carta na Presidente di Parlamento na unda ta haci peticion na su persona pa e yama un reunion publico cu caracter di urgencia, na unda Minister Ursell Arends tin cu bin splica Parlamento den detaye tocante su maneho relaciona cu casnan di cuido cu Pais Aruba ta subsidia.

Ta importante pa e mandatario profundisa riba kico su plan ta pa cu e adultonan mayor cu door di nan condicion fisico of mental ta rekeri di cuido profesional di cual nan tin derecho riba dje. Mas ainda pa e grupo di adultonan mayor financieramente vulnerabel cu no tin e posibilidad financiero pa paga un di e casnan di cuido priva. Esaki ta haci cu e posibilidad cu e adulto mayor ta keda exponi na un of otro peliger hopi grandi.



Pa varios aña caba e ta un secreto publico cu e lista di espera pa haya un luga den un di e casnan di cuido ta hopi largo. Y te dia di awe nada a ser haci pa trece un alivio of solucion pa e problema.

Censo di 2020 a indica cu e grupo di 65 aña y mas ta representa un 16% di nos

poblacion. Si nos compara e porcentahe aki cu e Censo di 2010, e grupo aki a conoce un crecimiento di 63%. Nos poblacion tin un porcentahe representativo pa loke ta ‘envejecimiento’ y esaki lo sigui aumenta den e añanan nos dilanti.

Na momento cu Minister Arends a haya e cartera 17

luna pasa, el a bisa cu e SI lo garantiza un miho calidad di bida y cuido pa e personanan di tercer edad. Den presupuesto 2023 a hasta presupuesta 2 miyon pa institui e departamento ‘ouderenzaken’. Awo ta deber di e Minister pa e bin elabora den extenso kico ta e tareanan di dicho departamento.

Ta di lamenta cu ni un di e 11 parlamentarianan cu a aproba presupuesto 2023 a sa di cuestiona e echo cu a corta den e subsidio di SABA/CMCC (Centro Medico pa Cuido Cronico)! E mesun gobierno y parlamentarianan cu ta yena nan boca bisando cu e Ser Humano ta central.

Ta bon pa e Minister elabora con e kier minimalisa e lista di espera, pero e ta corta den e subsidio. Anto esey ta sin para keto riba e aspecto di e inflacion continuo cu ta pasando aden.

Esaki ta e maneho di calidad cu e minister ta papia di dje?

Pa finalisa Parlamentario Gunn ta enfatisa cu sacamento di potret cu e adultonan mayor no ta nifica cu bo ta garantizando un miho calidad di bida y cuido pa e adultonan mayor. E ta nifica cu bo kier blancha un bolo cu beskem y alimenta bo ego.

Coder Dojo pa mucha di tur edad na biblioteca

Full Stack Vision foundation ta ofrece un ‘Coder Dojo’ na biblioteca pa mas cu un aña caba, tanto na Playa como na biblioteca San Nicolas.

Pa esaki Full Stack Vision Foundation a dreñta un colaboración cu biblioteca na 2021. A habri e prome Coder Dojo na biblioteca na Playa y despues di un par di luna a habri uno na San Nicolas. Y esakinan ta bayendo bon.

Kico un Coder Dojo ta? Cada sesion di Coder Dojo ta duna mucha oportunidad pa siña traha codigo, desaroya website, apps, programa y wega riba computer y tambe computer engineering. Nan por experimenta, explora y hunga. Muchanan ta traha cu otro riba diferente proyecto.



Full Stack Vision Foundation
ta traha cu boluntario cu ta
fungi como mentor pa per-
cura cu cada mucha ta haya e
atencion y guia cu e mester.
Mayornan interesa pa nan yiu
join por lesa mas via [https://
arucoderdojo.org/](https://arucoderdojo.org/) of raspber-
rypi.org

Bruce Harms y Thanya Croes di Full Stack Vision Foundation a duna un relato di nan observacionnan te

awor y a expresa nan ideanan pa futuro. E partnership cu Biblioteca Nacional Aruba a keda formalisa pa medio di un acuerdo. Directora, sra. Astrid Britten a firma esaki y ta contento cu e Coder Dojo ta keda na biblioteca pa e proximo 4 año. Ayera un team a instala borchí na biblioteca O'stad y San Nicolas. Masha danki Adolfo y Joshua Valbuena!

Reunion General 2023 di S.V.
Bubali ta haya un fecha nobo

Pa medio di e comunicado aki directiva S.V. Bubali ta informa na tur su miembronan cu e ALV 2023 a haya un cambio di Fecha, Fecha official ta bira diaranzon 08 Maart 2023.

Pa es motibo Directiva ta invita bo(so) persona pa un reunion general 2023 cual lo tuma lugar diaranzon 08 maart pa 7:00pm na Bubali Sport Club.

Presidente lo habri e reunion pa 7:00pm y den caso cu no tin quorum lo sera e reunion y habri e reunion bek riba e mesun dia pa 7:30pm. Si pa 7:30pm no tin quorum reunion ta sigui normal y tur decision lo ta valido. Puntonan di agenda: 1. Apertura; 2. Aprobacion Notulen ALV 2022; 3. Palabra di Presidente; 4. Relato di Secretario; 5. Relato di Tesorero; 6. Informacion FBSC; 7. Eleccion di Presidente; 8. Eleccion di

demas miembro nan pa directiva; 9. Plannan pa 2023; 10. Turno liber; 11. Clausura.

Directiva ta informa tur mayor, miembro, personal cu tin Bubali na curazon y personan cu no ta miembro y kier juda den directiva, comision of kier train un team di muchanan pa futbol, ultimo dia pa por registra ta 04 maart 2023.

Por tuma contact cu un
miembro di directiva of na
svbubalisportclub@gmail.
com

Nos ta pidi tur miembro pa
bin pa pone nan miembrecia
al dia asina pa por tin derecho
di voto.

Nos ta termina cu un saludo deportivo, sperando riba bo presencia na e reunion general.

Danki di antemano pa e
cooperacion y corda bon pa
no laga otro dicidi pabo riba
futuro di bo club.

Resultado Sorteo
maart 2, 2023

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
6501	9332	7115	9052
5833	4712	SUPER5	3241
2667	4322	62873	4148

MERDIA

Sorteo # 3843
2205
1723
0206
X2
Sorteo # 3843
0163
Sorteo # 1899
7732
Sorteo # 3843
9506
Aquario
Sorteo # 717
132
FP

ANOCHI

Sorteo # 7882
9915
3748
3247
X2
Sorteo # 6926
5370
Sorteo # 1631
5082
Sorteo # 5685
0697
Libra
Sorteo # 615
463
X2

	Joker Letter
Sorteo #	Proximo Jackpot
0 x Jackpot	480.000,-
0 x Match 4+	
0 x match 4	
0 x Afl. 12,00	

	02-06-11-18-20
Sorteo # 6049	Proximo Jackpot
0 x Jackpot	67.000,-
7 x Match 4	
198 x Afl 8,00	

	Mega Ball:
Sorteo #	Proximo Jackpot
0 x Jackpot	320.000,-
0 x match 4	
0 x Afl. 500,00	
0 x Afl 50,00	
0 x Afl.15,00	

	Afl. 420.000,-
--	-----------------------

Sorteo #

Minister Endy Croes:

Ta extende invitacion na e alumnonan di examenklas pa un anochi informativo na

The Movies Imax na Gloria

En conexión cu vivienda pa estudiante na Hulanda.



Diaranson mainta, Minister di Enseñansa Endy Croes a bishita Colegio Arubano na Oranjestad. Minister Endy Croes a tene un combersacion cu e studentenan di examenklas di scol secundario Colegio Arubano cu ta biahando den e luna di augustus di e aña aki na Hulanda pa sigui cu nan estudio.

E proposito di e bishita aki ta pa invita dies (10) klas di HAVO di aña cinco (5) y tres (3) klas di VWO di aña seis (6) pa un anochi di informacion na The Movies IMAX na Gloria. Dialuna awo, dia 6 di maart 2023, en conexion cu vivienda pa estudiante na Hulanda. E anochi informativo aki ta parti den dos seccion, di 6 or di atardi pa 7 or di anoch y di 7 or pa 8 or di anochi. Ta bay tin un lista di plataforma, unda cu e studentenan por inscribi, pa asina segura cu nan haya camber (studentkamer) na tempo.

Minister Endy Croes ta indica cu ta importante pa busca camber trempan, pa asina evita cu e studentenan yega Hulanda sin tin un vivienda, cual por tin un efecto negativo riba nan scol. Rector di Colegio Arubano Sr. Tim Croes, Conector Sra. Milouschka Boekhoudt-Wernet y Directora di Stichting Voortgezet Onderwijs Aruba (SVOA) Sra. Maya Artist a gradici Minister Endy Croes pa bishita Colegio Arubano y trece informacion valioso pa e alumnonan di examenklas cu ta biahando na Hulanda e aña aki.

Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@espnv.com

SERVICIO PUBLICO

Construction
 remodelacion di cas, traha cas,
 apartment, traha y drecha dak,
 electricidad, verf pega mosaico,
 traha cura, plomeria. Bon prijs
Tel. 593 3141

SERVICIO PUBLICO

Buscando auto pa huur y na bon
 prijs? yama nos
Tel. 593 9953/ 593 8453

TA BENDE

BBQ Grill tipo cilinder
 "criyoyo" duradero
 Prijs Afl.250
Tel. 569 7787

SERVICIO PUBLICO

Sushi den cura pa solamente
 50,- pa buelta, nos ta lante lague
 limpi mane un soño.
 Arubiano trahado
Call 592 5766

SERVICIO PUBLICO

Ta haci tur trabou di
 construccion y carpinteria y tur
 cos cu ta furamento di stul di
 bambu, cabana y toldos
Tel : 746 0518 / 569 7539

Sushi den cura?

Ta piki sushi cu pick-up
 grandi pa Afl 75,= pa buelta.
 Yama nos na
561 4297 of 561 5179
 Hasi Aruba Limpi.

TA BENDE

Caha di Orgel.
 Tin 3 cylinder NOBO.
 Pa mas informacion yama
Tel. 593 0203

SERVICIO PUBLICO

Mi ta cuida mucha " baby sister".
 Mi tin bon experiencia
 y bon cuido
Te. 562 5941

SERVICIO PUBLICO

Pa tur trabou di Plumbing
 (binnenleiding) pega w.c
 wasbak, tubo di gas, etc
 Yama Mario Franken
Tel. 740 6591

SERVICIO PUBLICO

Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
Tel : 569 7539 / 737 3993

AUTO Y HERO BIEU

Nos ta piki auto, airco y bateria
 bieu pornada. Frigidaire, stoof,
 wasmachin, tv ta 10,=.
Yama 561 4597 / 561 5179
 Arubiano Balente

TA BENDE

Combo di regalo pa tur
 ocasion: Mugs, kerki di biña,
 tablashi cu leyenda
 Pa mas informacion
Cell whatsapp 567 2907

TABENDE

1 printer Canon Fls.50
 1 kingsize bed 180 x200 Fls.600
 1 Lasko windmachine (fan di
 vloer) Fls.75
Tel.560 8929

SERVICIO PUBLICO

Sra. ta haci cas y negoshi limpi
 tambe por cuida baby y hende
 grandi part time y full time
Tel. 740 7573

SERVICIO PUBLICO

Hacemos todo tipo de construc-
 cion, reparacion de casas, pin-
 tura, acabados finos, jardines,
 patios, techos a buenos precios
Tel. 569 7539 / 746 0518

SERVICIO

Unified One Events
 Photos , films, wedding
Tel. 749 2533

SERVICIO PUBLICO

Ta traha y renoba Cas
 ta traha y drecha dak, ta basha
 vloer, pleister, verf cas, traha
 cura, pega mosaico y azulejo-
Tel.563 4168

SERVICIO PUBLICO

Nos ta haci trabou di
 plomeria, electricidad,
 hardineria incluye hiba sushi
 Handy man.
Tel.742 6250

SERVICIO PUBLICO

Mi ta chapi, lanta sushi, corta
 mata, transporta frigidaire, was-
 machine biew, drecha cas, etc.
Tel. 564 1979

SERVICIO PUBLICO

Pa haci trabow di verf y chapi,
 tur mantencion di pafor di cas
 Yama y puntra pa Benito na
Tel.630 5185

TA BUSCA

trabou pa haci cas limpi,
 negoshi of oficina
Tel.561 3910

SERVICIO PUBLICO

Handyman
 Pa trabouw di verfmento
 plumbing tuberia, chapi,
 limpieza di cura, drecha mata
Tel : 567 1108

TA BUSCA

Sra. entre 35 y 45 aña pa
 trabao di cas interna.
 Pa informacion yama
Tel. 582 3023 / 593 8120

SERVICIO PUBLICO

Limpieza pa cas y auto
 Presure wash cura di cas
 Laba muebles
 Laba tapijt
 Laba sienta di auto
 Laba vloer
Tel. 593 9464

SERVICIO PUBLICO

Pa trabou di data-entry of
 update di bo administracion pls
 contact:
Tel.5682339

SERVICIO PUBLICO

Mi ta ofrece servicio di
 electricista en general corto
 circuito y mantencion
Tel.566 5026

TA HUUR

Un camber cu tur cos inclui na
 Brikstraat 1
Tel.564 1979

SERVICIO PUBLICO

Masaje relajante, sports ma-
 sages, aroma terapia, piedras
 calientes, reflexologia, faciales
 Sabana Basora # 157 P.Ch.
Tel. 561 8520

SERVICIO PUBLICO

Mi ta ofrece pa cuido di mucha
 di dialuna pa diabierna y
 weekend. Pa informacion
Tel. 558 7310

SERVICIO PUBLICO


Nos ta chapi, corta y planta
 mata, brinda tur servicio cu bo
 cura mester. Tira sushi afo, tur
 esaki na un super bon prijs
Tel. 738 1908

SERVIO PUBLICO

Ta ofrece pa verf y chapi cura
 bon prijs. Nos ta hiba e sushi.
 Yama pa mas informacion na
563 4828 / 5679610

TA HUUR

1 Kamer, independiente cu baño
 y cushina. Muebla, Awa, Cable y
 Coriente inclui.
 500 Florin pa Luna & 100 Florin
 Borg. Pos Chiquito, pega cu Santa
 Famia School.
 Contact via wtzapp 7447717 - Lis



Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

Fundacion Autismo Aruba

Irenestraat 21 Aruba
 297-588-1179

Fundacion Pa Nos Muchanan

Cumana 2 Aruba
 297-583-4247

Fundacion Tel Pa Hubentud

Wilhelminastraat 19
 Aruba
 297-588-6138

Koningin Wilhelmina Fonds

Spinozastraat 9 Aruba
 297-582-0412

Mary Joan Foundation

Sabana Blanco 8 Aruba

Rode Kruis Aruba

Pedro Gallegostraat 14
 Tel.297-582-2219
 Fax 588-3376

Famia Planea (SBVO)

Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.
 com

Stichting Fundacion Guia Mi

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group

Sabana Liber #8, Noord
 (close to the hotels)
 Tel: 736-2952 or
 593-7081



Dokter na warda

Oranjestad San Nicolas
Hospital Imsan
 7:00 pm / 10:00 pm **24 ora**

Botica na warda

Oranjestad: San Nicolas:
 del Pueblo San Lucas
 Tel. 582 1253 Tel. 584 5119

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
 Tel: 280-2828
 Whatsapp: 592-7024

Aurora

Royal Pray

Funeral Home & Crematory

Laga tur locual mi a laga atras, keda bunita den boso curazon y como recuerdonan.

A fayece christianamente:



Eusebia Kelly-Boekhoudt

mihor conoci como Chefa y Dudu
Viuda di Pedro Kelly
* 14.08.1929 – †23.02.2023

Na number di su

Yiunan: Nata y Richard Simon – Kelly
Vilma Kelly y Claudio Quant
Hubert y Roosje Kelly- Engelhart
Ronnie Kelly y Miriam Croes

Su nieto y nietanan: †Bruce y Sharine
Lande Wernet, Jeremy Josue Kelly, Kavey y
Shamila Yarzagary-Oduber, Rullienne Arends y
Lisvienne Maduro, Ruella Arends y Sebastiaan
Voskuil na Hulanda, Gillian Kelly y Patrick
Kelly , Gilbert Kelly y Nilsida Garay, Kiandra
Kelly y Joshua Pers, Giandra Kelly y Leansy
Brete

Bisnieto y nietanan: Jeremy y Mykaella Kelly,
Kay-Linn, Kyziah, Keano, Kaymon y Odin
Yarzagaray, Nixienne Kelly, Amarii Kelly

Su rumannan:

Chanita Hernandez- Boekhoudt & Famia
Mathilda Paskel – Boekhoudt & Famia
Alfonso (Boechi) Boekhoudt
Juanita (Chichi) Boekhoudt
Celsa y Donny Tjen-A-Kwoei – Boekhoudt

Su rumanan Den Feliz Memoria:

Maria, Jossy, Lina, Candido, Florita, Choncho,
Rika y Richi

Swa y Cuñanan: Nestor Henriquez, Juan Kock,
Ramona Boekhoudt-Kelly, Mena Boekhoudt-
Ruiz

Su amiga y ayudante di cas: Yosmar Lemus

Meskos cu sobрино: Leoncio Kelly & Famia

Su sobрино y sobrinanan, prima y primonan,
amigo y amiganan, bisiñanan.conocirnan.
Demas Famia Kelly, Boekhoudt, Thiel, Lampe,
Donata, Henriquez, Tromp, Kock, Ruiz,
Maduro, Hernandez , Paskel Tjen a Kwoei,
Briezen.

Ta invita tur famia y conocirnan pa asisti na e
acto di entierro cu lo tuma lugar Diasabra 04
maart 2023 E defunto ta reposa di 9or pa 11 or
di mainta na Misa Sta Filomena, Paradera y ta
Sali pa Santana Catolico na Oranjestad..

Nos ta pidi nos disculpa si den nos tristeza por
a lubida algun famia

Despues di entierro no ta ricibi bishita di
condolencia na cas

Aurora

Royal Pray

Funeral Home & Crematory

‘No tuma vengansa ni warda
rencor contra bo paisano. Al
contrario, stima bo prohimo
manera boso mes’.
Levítico 19:18



Myloushka Natasha Wernet Burleson

*15-10-1971 - †24 - 02- 2023

Esposu : Clem Nildo Wernet

Yiunan : Nildo Junior Wernet
Niloushka Wernet

Manera yiu: Ruby Schwengle y yiunan

Mayornan: Henry y Maria Burleson-Helder

Rumannan: Anoutcka y Raymond Koolman
Ryangel y Antony Lanoy-Maduro y yiunan

Sobрино/nan:

Roshan Wernet y Gilmarie Jansen y yiunan

Seychella Koolman

Randall Wernet y Mayla Ridderstap y yiu

Andre Wernet y Ginayla Hernandez

Gillian Wernet y Jurney Tromp

Roxanne y Roxienne Wernet

Azair Koolman

Tanta/Omo:

†Walter y †Alba Arends-Albus y yiunan

Nicasio y †Lidia Helder-Loopstok y yiunan

†Angela y †Frans van Cleef-Helder y yiunan

†Seferina y Hubert Schoobaar-Helder y yiu

†Marcolino Helder

†Juan Rafael y †Rosa Helder-Tromp y yiunan

Benita y Virgilio Davelaar-Helder y yiunan

Miriam y Richard Boekhoudt-Helder y yiunan

†Edwin y Cornelia Zichem-Bergen y yiunan

Olga y †Nicolas (Chito) Jacobs-Zichem y yiunan

Greta (madrina) y †Ottilo Jacobs-Zichem y yiunan

†Ludwig (Padrino Luty) y Annie Burleson-Zievinger y yiunan

Theodore (Theo) y Carla Burleson-Huijgen

Antoinette (Netty) Burleson y Franklin Kock y yiunan

†Edgard y Gina Burleson-Werleman y yiu

†Imelda Burleson

†August (Popoy) Reyes y Marla Rodriguez y yiunan

Suegro/a : Mario y Lidia Wernet Bislip

Swa/Cuñ: Robert y Angeline Wernet-Jeandor
Roland y Reinalda Wernet-Ras

Omo grandi:

Anton y Martha Burleson-Labeille y yiunan

Boy y Aura van Ommeren-Croes y yiunan

Ihanan

Demas famia y conocirnan: Burleson, Wernet, Helder, Zichem,
Perrotte, Dirks, Garcia, Nicolaas, Jacobs, Reyes, Paula, van Om-
meren, Bergen, Kelly, Zievinger, Huijgen, Kock, Werleman,
Hughes, Koolman, Rodriguez, Becker, Komproe, Rodriguez,
Marchena, Toppenberg, Hoo, Arends, Davelaar, van Cleef,
Schoobaar, Maccow, Boekhoudt, Middendorp, Hirschfeld, Fran-
ciscus, Alvarez, Obispo, Candelaria, Albus, Tromp, Donata, van
der Biezen, Constanca, Dirksz, Thode, Kelly, Luydens, Vingal,
Maduro, Geerman, Kampervcen, Reinoso, Rasmijn, Noguera,
Bislip, Ras, Jeandor, Croes, Franken, Croeze, Krozendijk, Madu-
ro, Hessing, Kelly-Hsing, Lanoy,Snijders, Hoek y bisiñan
Ex coleganan di H.O.H especial kinderafdeling, coleganan di Co-
legio EPI, especialmente Unit Salubridad y Servicio
Personanan special: Sandra Geerman, Janine Dirksz-Maduro,
Sharlene Hassell, Rene Molano Vergarra y famia, Tante Ayleen
Snijders-Tromp y Yola Snijders, Maritza Verstappen-Wever, Ja-
nine Quant, Eeman Baroud, Damira Odor, Luis Rodulfo, Rim-
mie Tromp, Juliete Peterson
Grupo di orashon: Cristo ta Amor, especialmente Reina, Doro-
thy, Vivian, Daphne

Wilhelmina Kankerfonds: Sandra Koolman, Arelis Gonzalez,
Lola Geerman, Dr. Marcel Ho-Kang-You, Dr. Selene Kock
Oportunidad pa condolencia: diabierna 3 di maart 2023 na Royal
Funeral Home di 6:00 pa 9:00 pm.

Ta invita pa e acto di entierro cu lo tuma lugar dialuna 6 di maart
2023 na misa Pro Catedral San Francisco di 1:00 pa 4:00 pm,
despues lo sali pa Santana catolico na Playa.
Enbes di flor of krans un donacion pa Wilhelminna Kankerfonds
lo ta altamente aprecia. Pa e gesto aki lo tin un box disponibel
den misa.

Myloushka su desco ta pa bin bisti na colorman alegre.

Aurora

Royal Pray

Funeral Home & Crematory

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa”.
Salmo: 23

Conforme cu boluntad di Dios, nos ta participa
fayecimento cristianamente di:



Richard Edwin Simon

Mihor conoci como "Richard Barbero"
*12-06-1936 - †01-03-2023

Na number di su:

Yiu: Maritza Wever y famia

Rumannan:

†Gerard “Boy” Simon y Calista Simon-Koolman y
famia

Graciela “Chelita” Simon

†Marvel “Mies” Aalberse-Simon y famia

Violeta Olano-Simon y Delfin Olano y famia

Robert "Roy" Simon y Carmen Simon-Harms y
famia

Su primo y primanan

Su sobрино y sobrinanan

Famianan: Blanco, Wever, Croes, Paesch

Demas famia, bisiñanan, amistadnan y conocirnan ta
invita pa e acto di condolencia y despedida di “Rich-
ard” cu lo tuma lugar dialuna 6 di maart 2023 di 2’or
pa 4’or di atardi na Aurora Funeral Home.
Cremacion lo tuma lugar den seno familiar.

Ta lamenta cu no por ricibi bishita di condolencia
na cas

Aurora

Royal Pray

Funeral Home & Crematory

Laga tur locual cu mi encontra na caminda
ta bunita

Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu profundo tristeza nos ta anuncia cu a
fayece:



Rey Tromp

*28-10-1951 - †26-02-2023

Acto di despedida ta wordo anuncia despues.

Oficina Central di Estadistica ta buscando encuestador full-time part-time pa e Economic Census 2023!

Cuminsando diabierna 14 di April, 2023 Oficina Central di Estadistica (CBS) ta organiza un censo economico esta e "Economic Census 2023".

E censo ta toca temanan manera e actividad economico cu compania ta eherce, pero tambe temanan relaciona na empleo manera, cantidad di empleadonan, suma total di salario paga y va-

caturanan disponibel. Tambe lo toca e tema di digitalisacion.

Pa e censo aki ta uno exitoso, CBS ta buscando personanan cu lo desea di fungi como encuestador sea full-time of part-time. Mirando cu e censo ta dirigi riba companianan (entidadnan) cu ta eherce un actividad economico, e orarionan di entrevista ta depende di e dianan y orario di trabou

di e entidadnan cu ta bay wordo entrevista.

Pa fungi como un encuestador, mester:
por traha cu un Tablet;
por lesa, skirbi y papia Papiamentu, Ingles, Hulandes y Spaño;
tin por lo menos 21 aña di edad;
tin por lo menos un diploma di MAVO;
ta un residente di Aruba (per-



soonsnummer);
tin un rijbewijs valido y un medio di transporte propio;
ta compromete su mes pa asisti na 2 training obligatorio;
ta disponibel full-time y/of part-time durante e periodo di 14 di april 2023 te cu 30 di juni 2023;
ta disponibel pa traha den siman y den weekend.

Tur persona cu ta cumpli cu e rekisitonan menciona por solicita pa ta un encuestador, tanten cu nan ta disponibel durante e periodo menciona.

Pa solicita of pa mas informacion por yama libremente na telefon: 524-7417 of por manda un e-mail na ec2023@cbs.aw. Lo haya un formulario digital pa yena via e-mail.

Parokia di la Birgen di Fatima na Dakota

Nobena na honor di San Hose

Ken ta San Hose? San Hose ta Tata di Hesus, Esposo di Maria, Patriarca y Protector di Santa Iglesia Universal, Teror di Demoñonan y tambe Patrono di Trahadonan. Tambe ta wordo considera como Patrono di esnan moribundo.

P'esey Parokia di Birgen di Fatima ta desea di informa cu lo tene un Nobena na honor di San Hose, cuminsando diabierna 10 di maart 2023 te cu diasabra 18 di maart 2023 pa 6 or di atardi, cu excepcion di diadomingo 11 di maart

2023, cu e ora lo ta 5 or di atardi.

Dialuna 20 di maart 2023 fiesta di San Jose ta wordo celebra y riba e dia ey nos lo resa Santo Rosario pa 6 or di atardi despues ta sigui di biaha cu e Santo Sacrificio di Misa solem na honor di San Hose. Diabiernan 10 di maart y 17 di maart lo tene e Nobena pa 5 or y 45, pa despues sigui cu e caminda di cruz pa 6 or y mey di anochi, sigui pa un Santo Sacrificio di Misa pa 7 or di anochi

Ta invita tur devoto y pueblo di Aruba en general y tambe



tur esnan cu tin e nomber Hose, José, Josefa y Josefina pa asisti sin falta na e Nobena y e fiesta na honor di San Hose, e ehempel famoso di Santidad.

Aurora

Royal Pray
Funeral Home & Crematory

'No tuma vengansa ni warda rencor contra bo paisano. Al contrario, stima bo prohimo manera boso mes'.
Levítico 19:18

Primo y primanan ta anuncia fayecimento di nos prima stima:

Myloushka Natasha Wernet Burleson

15 - 10 - 1971 - 24 - 02 - 2023

Na nomber di su

Esposo : Clem Nildo Wernet

Yiunan : Nildo Junior Wernet

Niloushka Wernet

Manera yui : Ruby Schwengle y yiunan

Mayornan: Henry y Maria Burleson-Helder

Suegro/a : Mario y Lidia Wernet Bislip

Rumannan:

Anoutcka y Raymond Koolman

Ryangel y Antony Lanoy-Maduro y yiunan

Primo/anan :

Elvis Zichem y famia, Glenda Dirks-Zichem y famia,

Yvette Zichem y famia, Debby Kock y famia, †Lily

Zichem, Franklin Zichem, Muriella (Ella) Perrotte-

Jacobs y famia, Sherwin Jacobs y famia, Nicole Jacobs

y famia, Kenrick Jacobs, Leslie Jacobs, Suzanne Garcia-Burleson y famia, Charaima Burleson, Sunhail Nicolaas-Burleson y famia, Ludwig Burleson y famia, Joshua Burleson y famia, †Maureen Burleson, Allric Kock y famia, Joanne Kock y famia, Miguelito Burleson, Farah Reyes y famia, Suhaila Reyes y famia, Alex Arends y famia, Rudolf (Dopi) Arends y famia, Robert (Roy) Arends y famia, Franklin (Kinch) Arends y famia, Noriza (Poppy) Hoo-Helder y famia, Richard (Gigi) Helder y famia, Julissa (Liesje) Helder y famia, Gregory Helder y famia, Maikel van Cleef y famia, Sandra van Cleef y famia, Karel van Cleef y famia, John van Cleef, Sherlines Maccow-Schoobaar y famia, Ronald Helder y famia, Reynold Helder y famia, Randolph Helder y famia, Gwenn Davelaar, Golda Candelaria-Davelaar y famia, Richard Boekhoudt y famia, Reginald Boekhoudt y famia,

Oportunidad pa condolencia: diabierna 3 di maart 2023 na Royal Funeral Home di 6:00 pa 9:00 pm.

Ta invita pa e acto di entierro cu lo tuma lugar dialuna 6 di maart 2023 na misa Pro Catedral San Francisco di 1:00 pa 4:00 pm, despues lo sali pa Santana catolico na Playa.

Enbes di flor of krans un donacion pa Wilhelmina Kankerfonds lo ta altamente aprecia. Pa e gesto aki lo tin un box disponibel den misa.

Myloushka su deseo ta pa bin bisti na colornan alegre.



Cu inmenso tristesa Citgo Santa Cruz
ta anuncia fayecimento di

Sra. Eusebia Kelly-Boekhoudt

Mihor conoci como "Chefa",

mama di nos colega Ronnie Kelly.

Nos ta expresa nos mas profundo

condolencia na Ronnie y demas

famia y ta deseanan hopi forza den e

dianan dificil aki.

Cu Chefa sosega na paz.

Weekly SPECIALS

<p>WAS \$8.19</p> <p>\$6.99</p> <p>Per Bag</p>  <p>Apples Gala 3LBS</p>	<p>WAS \$4.85</p> <p>\$3.29</p> <p>Each</p>  <p>Celery Sleeved</p>	<p>WAS \$19.19</p> <p>\$14.99</p> <p>Per KG</p>  <p>Soppi/Boneless Soupmeat Brasil</p>	<p>WAS \$14.09</p> <p>\$9.99</p> <p>Per KG</p>  <p>U.S. Pork Boneless Sirloin/Hamappen</p>
<p>WAS \$7.29</p> <p>\$6.69</p> <p>Each</p>  <p>Blueberries 11oz 1Pint</p>	<p>WAS \$4.78</p> <p>\$3.99</p> <p>Each</p>  <p>Carrots Cello 2lb</p>	<p>WAS \$7.05</p> <p>\$4.99</p> <p>Per KG</p>  <p>Chicken Thighs Bone In</p>	<p>WAS \$15.99</p> <p>\$13.49</p> <p>Each</p>  <p>Post Variety Cereal</p>
<p>WAS \$7.19</p> <p>\$6.49</p> <p>Each</p>  <p>Nescafe 3 In 1 Pouch 6x19GR</p>	<p>WAS \$10.99</p> <p>\$9.49</p> <p>Each</p>  <p>EE 100 Pineapple Juice 64oz</p>	<p>WAS \$7.39</p> <p>\$6.39</p> <p>Each</p>  <p>EE Waffle Cones 12ct</p>	<p>WAS \$20.20</p> <p>\$17.99</p> <p>Each</p>  <p>Nestle Nesquik Instant Strawberry 38.09oz</p>
<p>WAS \$8.08</p> <p>\$6.49</p> <p>Each</p>  <p>Gomac Bar Double Choc. Peanut Butter 2.3oz</p>	<p>WAS \$3.02</p> <p>\$1.99</p> <p>Each</p>  <p>Gwoon Hollandse Bruine Bonen 360gr</p>	<p>WAS \$10.49</p> <p>\$8.99</p> <p>Each</p>  <p>Danimals Smoothies 6PK</p>	<p>WAS \$3.02</p> <p>\$2.79</p> <p>Each</p>  <p>Hegron Haargel Pot - Mega Hold 500ML</p>
<p>WAS \$15.79</p> <p>\$11.99</p> <p>Each</p>  <p>Panamei Squid Rings RTL LQF 1LB</p>	<p>WAS \$22.23</p> <p>\$18.99</p> <p>Each</p>  <p>Container With Lid 25 Piece</p>	<p>WAS \$2.99</p> <p>\$2.49</p> <p>100 GR</p>  <p>Colby Jack Cheese</p>	<p>WAS \$2.59</p> <p>\$2.09</p> <p>100 GR</p>  <p>Cured Honey Ham</p>

SUPER
Do it Center.

VALID FROM
03 MAR - 09 MAR 2023
and while supplies last

SUPER Do it Center Aruba | Shaba 3, Noord Aruba | 5831111 | customerservice@doit.aw